


三代實錄

自一四

149
40
9

東 京 國 香 銅

類	屬	函	架	号	册
---	---	---	---	---	---



伴信友校訂

三代實錄


全五十卷

佚存書坊印行

東周解

日本三代實錄序

臣時平等竊惟帝王誓古咸置史官述言事而徵廢興甄善惡以備懲勸闕之辰且暮於手披之處逐初之迹俄頃於目閱之間者也伏惟 太上天皇生知至聖性植純仁體耀魄而居宸平泰階而建極彝倫攸叙憲章該舉以為始自貞觀爰及仁和三代風猷未著篇牘若缺文之靡補恐盛典之長虧 詔大納言正三位兼行左近衛大將皇太子傳陸奧出羽按察使臣源朝臣能有中納言兼右近衛大將從三位行春宮太夫臣藤原朝臣時平參議勘解由長官從四位下兼守右大辨行春宮亮臣菅原朝臣道真從五位下行大外記兼播磨權大掾臣大藏朝臣善行備中掾從六位上三統宿祢理平等因循舊貫勅就撰修四五年來大納言能有朝臣拜右大臣奄然殞逝既而搜采稍周條流且辨 天皇倦負宸於九重輕脫屣於萬乘宸旒應厭凝神點於姑射淨居有



勅落飾震於魔宮爾乃屬揖讓朝廷務殷在此際會暫停刊緝
今上陛下兼累聖之寶稱順兆民之樂推天縱雄才唯漢武於大
畧德尚恭包法虞舜之無為思欲遵前旨之草創從即日之財成
勅正三位守左大臣兼行左近衛大將藤原朝臣時平正三位
守右大臣兼行右近衛大將臣菅原朝臣道真從五位上行勘解
由次官兼大外記參河權介大藏朝臣善行大外記正六位上三
統宿祢理平等青其奈詳亟有頭角右大臣道真朝臣坐事左降
欵向西府洎斯文之成立值彼臣之謫行大外記理平賜爵遷官
不遂其業臣等強勉專精經引積稔編次究數筆削畢功起於天
安二年八月乙卯訖于仁和三年八月丁卯首尾三十年都為五
十卷名曰日本三代實錄今之所撰務歸簡正君舉必盡論言選
布五礼沿革萬機變通祥瑞天之所祚於人主災異天之所誡於
人主理燭方策撮而悉載之節會儀注彙掌制度蕃客朝聘自餘


諸事永式是存粗舉大綱臨時之事履行成常聊標凡例以示有
之矣開委巷之常非教世之要妄誕之語弄而不取焉臣等生謝
含章辭非隱核腐毫淹祀醜汗失魂謹詣朝堂奉進以聞謹序
延喜元年八月二日

左大臣從二位兼行左近衛大將臣藤原朝臣 時平
從五位上行勘解由次官兼大外記臣大藏朝臣 善行

日本書紀卷第一起天安二年八月盡十二月

在大臣從二位兼行左近衛大將臣藤原朝臣時平等奉

勅撰



大正天皇

天皇

天皇

天皇

天皇

天皇

天皇

天皇

天皇

天皇

天皇

文德天皇之第四子也母太皇太后藤原氏太政

位良房朝臣之女也嘉祥三年歲在庚午三月二十

五日上皇於太政大臣東京一條第十一月二十五日

成天皇太子于時誕育九月也先是有童謠云大枝乎超天

走超天走超天騰躍止利超天我那護田耶搜阿左食無志岐

耶雄志伊志岐那識者以為大枝謂大兄也是時文德天皇有

四皇子第一惟喬親王第二惟條親王第三惟彥親王皇太子是

第四皇子也天意若曰超三兄而立故有此三超之謠焉天安

二年八月己丑朔廿七日乙卯文德天皇崩於冷然院親成

殿從五位上守左近少將兼行美濃介良岑朝臣清風從五位上

守右近衛少將兼行主殿頭美濃權介紀朝臣全吉各率將監將曹近衛等陳於皇太子直曹于時春宮帶刀舍人解陳退散大納言正三位兼行右近衛大將民部卿陸奧出羽按察使安倍朝臣安仁率從五位上守左近衛少將兼行備前權介坂上大宿祢當道從五位上守右近衛少將兼行伊勢權介藤原朝臣有貞將監已下奉_二天子神璽宝劔節符鈴印等於皇太子直曹從五位上行少納言兼侍從橘朝臣清陰右衛門佐從五位上兼行少納言侍從藤原朝臣基經從四位上行中務大輔清原真人瀧雄并主鈴等相從焉太政大臣從一位藤原朝臣良房左大臣從二位源朝臣信右大臣從二位兼行左近衛大將藤原朝臣良相侍於皇太子直曹公卿於藏人所定送葬諸司正三位行中納言源朝臣定參議正三位行中宮大夫伴宿祢善男參議從四位上行左兵衛督兼信濃守源朝臣多從四位上行中務大輔清原真人瀧雄

從四位下行民部大輔兼加賀守藤原朝臣仲統勘解由長官兼左近衛中將從四位下守右大辨行讚岐守藤原朝臣良繩從五位下守左少辨丹墀真人貞峯從五位下守木工頭兼左衛門權佐紀朝臣春枝六位已下四人為裝束司正三位行中納言橘朝臣峯繼參議從三位行春宮大夫平朝臣高棟參議左大辨從四位上兼行左衛門督伊豫權守藤原朝臣宗氏正四位下行下野守豐江王散位從四位下茂世王從四位上行越中守源朝臣啓左京亮從五位下朝原宿祢良道從五位下守主計頭兼行等博士木工權助有宗宿祢益門六位已下四人為山作司從四位下行越中權守房世王從五位上守宮內大輔橘朝臣貞雄大炊頭外從五位下九子連家繼六位已下二人為養役夫司從四位上行山城守基兄王右京權亮從五位下巨勢朝臣河守六位已下二人為作略司正三位行中納言源朝臣弘為前次第司長官從

五位上守治部大輔藤原朝臣本雄為次官判官二人主典二人
參議從四位上行左兵衛督兼伊勢守源朝臣多為後次第司長
官兵部少輔從五位下源朝臣直為次官判官二人主典二人先
是二十六日遣使於伊勢近江美濃等國賞勅符木契警固諸
關散位從五位上藤原朝臣菅雄外從五位下大秦公宿祢此雄
并內舍人一人為伊勢使從五位上行丹波介坂上大宿祢貞守
散位從五位下上毛野朝臣繩主內舍人一人為近江使散位從
五位下藤原朝臣直道并內舍人一人為美濃使令山城國司警
護宇治與度山崎道以東南西三方通路之衝要也是日宣告
天皇崩之狀於山城國司及伊勢近江美濃等使遣從五位下守
右少辨藤原朝臣家宗率諸衛監護左右兵庫從四位上守宮內
卿源朝臣勤勤解由次官從五位下藤原朝臣宜等監護左右馬
寮廿九日丁巳諸衛鎧甲嚴警皇太子與皇太夫人同輿還御

東宮儀同行幸但不警蹕先是二十七日奉迎皇太夫人於東五
條宮欲令擁護幼冲太子也陰陽寮奏言夜有星入紫微宮赤如
炎火長十餘丈凡天文風雲氣色有異陰陽頭及天文博士密封
奏聞修國史司召陰陽寮索其案文記載史書他皆效此 九月
己未朔 二日庚申大納言安倍朝臣安仁中納言橘朝臣岑繼
參議平朝臣高棟伴宿祢善男從四位下行文章博士兼備前權
守菅原朝臣是善大藏大輔正五位下兼守左中辨高階真人岑
緒從五位上行大學博士大春日朝臣雄繼外從五位下行陰陽
權助兼陰陽博士滋岳朝臣川人外從五位下行陰陽助兼權博
士笠朝臣名高外記史內記各一人至山城國葛野郡田邑鄉真
原園定山陵之地 三日辛酉夜月中有黑色須臾月色赤如血
是日大行 皇帝晏駕之後始盈七日遣使於近陵諸寺各修功
德自此之後每值七日於京邊諸寺修轉念功德 四日壬戌東宮

成服群臣百寮從之命五畿七道始着素服舉哀成禮舉哀之禮
每日三度限以三日式部省率百官於冷然院南路頭舉哀公卿
及侍臣已下於東宮喪服之限以日易月十三日而釋之其遠所
者以詔到日為期 六日甲子葬 文德天皇於真原山陵送
終之禮皆從檢約一如 仁明天皇故事但變於前例只是作方
相而已 七日乙丑遣大學頭從五位上兼行東宮學士豐階真
人安人存問供御葬之群臣安置十僧於近陵山寺四十僧於廣
隆寺合五十口始自今日至于四十九日轉經念佛安置沙彌二
十人於陵邊晝夜結番修大佛頂三昧暮年之後當令得度宣
詔內外云暮年之過密惟從易月之制率土黔黎須有心喪宜禁
飲宴作樂美服 八日丙寅諸衛陣兵脫甲從常儀 十四日壬
申遣大中臣氏人於左京五畿七道修被禊以釋服也以叅議從
三位行春宮大夫平朝臣高棟為權中納言勘解由長官兼左近

衛中將從四位下守右大辨行讚岐守藤原朝臣良繩為叅議散
位從五位下源朝臣同為侍從春宮亮兼右衛門佐筑前守從五
位下藤原朝臣興邦為內藏權頭筑前守如故右京大夫從四位
下兼行式部大輔春宮權亮南淵朝臣年名為信濃守右京大夫
式部大輔如故左衛門佐從五位上兼行少納言侍從藤原朝臣
基經為左近衛權少將少納言侍從如故從五位上行右兵衛佐
兼行伊豫介藤原朝臣良世為右近衛權少將伊豫介如故從五
位下守內藏頭兼行筑前守藤原朝臣興邦為左衛門佐餘官如
故侍從從五位下伴宿祢中庸為右衛門佐散位從五位上源朝
臣平為左兵衛佐從五位下守雅樂頭源朝臣舒為權佐從四位
上守宮內卿源朝臣勤為右兵衛督散位從五位下平朝臣有世
為左馬助左兵衛佐從五位下兼行信濃介藤原朝臣秀道為右
馬頭信濃介如故散位從五位下藤原朝臣廣基為助是夜宮中

有聲如雷 十五日癸酉明經得業生正七位下菊田首安雄大
初位下葛井連善宗並進二階以奉試及科也 十六日甲戌
令上公除百官吉服仍大袂於朱雀門前 十八日丙子可司始
進御膳 廿日戊寅遣正六位上大中臣朝臣良人於伊勢太神
宮告以齊內親王退出也 廿二日庚辰地震 廿三日辛巳散
位從五位上源朝臣包為中務少輔從五位上藤原朝臣忠宗為
侍從備後守從五位下藤原朝臣有年為近江介從五位上行文
章博士兼備前權守管原朝臣是善為播磨權守文章博士如故
從五位上守右近衛少將兼主殿頭行美濃權介紀朝臣全吉為
備前權守從五位上守右近衛權少將兼行伊豫介藤原朝臣良
世為少將伊豫介如故從五位下行右馬助藤原朝臣廣基為右
兵衛佐外從五位下行近江介道興宿祢瀧鳥為右馬助 廿五
日癸未從五位下行中官大進三統宿祢真淨為亮外從五位下

行少進御船宿祢彥主為大進典藥頭從五位下兼行侍醫當麻
真人鴨繼為主殿頭侍醫如故大學頭從五位上兼行東宮學士
豐階真人安人為美濃權介大學頭如故散位從五位下賀茂朝
臣弟岑為備後守 廿八日丙戌散位從五位下時宗王卒 廿
九日丁亥夜有流星自東南行西北星落之處有聲如雷 冬十
月戊子朔日有蝕之六衛府見直於陣者賜綰綿各有差 二日
己丑公卿不就太政官曹司廳承前例於仗頭賜次侍從已上飲
是日隨停止以諒闇也鼓吹司始發教習鼓角之聲例也 七日
甲午新鑄銅印一面賜讀歧國先是彼國司言所在銅印久經年
代文字利減仍賜之 八日乙未遣散位從五位下內宗王從五
位下守左少辨丹墀真人負岑等迎伊勢齊內親王大袂於建禮
門前而發使焉是日陰陽寮漏刻盛水銅器自鳴一聲 十六日
癸卯延五十僧於廣隆寺修 文德天皇七、日御齊會公卿會

集又仗頭遣使近陵諸寺修轉念功德 十七日甲辰便請廣隆寺五十僧於東宮限以三日轉讀大般若經廣隆寺四十僧近陵寺十僧始自御葬明日至子四十九日讀經念佛頻日所請即便

是也陵邊修三昧沙弥二十口令住雙丘寺元是右大臣清原真人夏野之山莊今所謂天安寺也 廿二日己酉授日向國從五位上高智保神都農神等從四位上都萬神江田神霧島神並從四位下伊豫國正六位上布都神從五位下 廿三日庚戌遣外從五位下行陰陽助兼陰陽權博士笠朝臣名高鎮謝真原山陵 廿六日癸丑從五位下行越前介良岑朝臣經世為少納言從五位下行相摸介滋野朝臣安成為權大外記相摸介如故周防權守從五位下藤原朝臣常行為右近衛權少將周防權守如故四品惟高親王為太宰帥 廿日丁巳大板於建禮門前明日擬發伊勢太神宮使也 十一月戊午朔遣從四位下行

越中守房世王內藏頭從五位上兼行神祇大副中臣朝臣逸志等於伊勢太神宮告以 天皇將即位也是日陰陽寮所進明年曆付內侍奏 三日庚申停大原野春日等祭焉 五日壬戌以正三位行中納言源朝臣定從四位下行左馬頭在原朝臣行平為山階山陵使參議左大辨從四位上兼行左衛門督伊豫權守藤原朝臣氏宗從四位上行中務大輔清原真人瀧雄為相原山陵使大納言正三位兼行右近衛大將民部卿陸奧出羽按察使安倍朝臣安仁中務少輔從五位下源朝臣包為嵯峨山陵使參議從三位行中宮大夫伴宿祢善男大舍人頭從五位上鳥江王為深草山陵使參議勘解由長官兼左近衛中將從四位下守右大辨行讀岐守藤原朝臣良繩從四位下行文章博士兼播磨權守菅原朝臣是善為真原山陵使從四位上行右兵衛督源朝臣勤為 今上外祖母源氏愛宕墓使並告以 天皇即位也 七

日甲子 天皇即位於大極殿時年九歲 詔曰明神止大八洲
國所知天皇詔旨良萬宣命乎親王諸王百官人等天下公民衆
聞食止宣掛畏支平安宮御宇之倭根子天皇我宜此天日嗣
高座之業乎掛畏近江大津宮御宇之天皇乃初賜比定賜留
法隨命仕奉止仰賜比授賜此大命乎受賜利恐美受賜利懼利
進母不知命退母不知命恐美坐止宣天皇勅乎衆聞食止宣然
皇座天下波乎平安文安治物命在止奈聞行須故是以大命
坐宣又朕雖拙劣親王等乎始天王等臣等乃相共奈奉利相扶
奉年事依此乃仰賜比授賜開食國乃天下之政波平久安久
可奉仕止奈所命行是以正直之心天皇朝庭乎衆助仕奉止
宣天皇勅乎衆聞食止宣辭別宣久九人子乃蒙福麻欲為流事
波於夜乃多米奈止開行須故是以朕親母藤原氏乎皇大夫人
命上奉利治奉流又仕奉人等中命其仕奉狀隨命冠位上賜比

治賜布又太神宮乎始天諸社乃祢宜祝等命給位一階又僧綱
乎始天諸寺知行有聞流并天下僧尼乃年八十已上施物賜又
左右京五畿內乃寡寡孤獨不能自存者及天下給侍人等命
給御物布又內外官乃未得解由輩免賜又天下百姓乃半徭給
仁壽元年以往調庸未進在民身者免賜止波久勅天皇大命乎衆
開食止宣授兵部卿三品忠良親王二品左大臣從二位源朝臣
信正二位權中納言從三位平朝臣高棟正三位參議從四位上
兼行左兵衛督伊勢守源朝臣多奈議左大辨兼行左衛門督伊
豫權守藤原朝臣氏宗並正四位下參議勘解由長官兼左近衛
中將從四位下守右大辨行讚岐守藤原朝臣良繩從四位上無
位秀世王棟氏王並從四位下無位廣山王從五位下從四位上
守治部卿兼行美濃守源朝臣生右京大夫從四位下兼行式部
大輔信濃守南淵朝臣年名並正四位下大學頭從五位上兼行

美濃權介豐階真人安人正五位上散位從五位上橘朝臣良根
丹波守大枝朝臣音人左近衛少將兼行播磨介良岑朝臣清風
右近衛少將兼伊豫介藤原朝臣良世從五位下守內藏權頭兼
行左衛門佐筑前守藤原朝臣興邦並正五位下從五位下守左
少辨丹墀真人貞岑右兵庫頭百濟王永仁散位橘朝臣伴雄雅
樂頭源朝臣舒兵部少輔源朝臣直右近衛權少將兼周防權守
藤原朝臣常行右少辨藤原朝臣家宗並從五位上外從五位下
守玄蕃頭兼行筆博士家原宿祢氏主勘解由次官兼行明法博
士御輔朝臣永道散位正六位上在原朝臣安貞源朝臣安貞源
朝臣有左衛門大尉坂上大宿祢貞雄中務大丞佐伯宿祢真利
大藏大丞大野朝臣鷹取主殿權助藤原朝臣永谷左近衛權將
監藤原朝臣山蔭左兵衛大尉紀朝臣宗守淡路守伴宿祢益友
式部大丞巨勢朝臣夏井內藏權助藤原朝臣安房並從五位下

左大史正六位上都宿祢御首直講布瑠宿祢淨野大舍人少允
文伊美吉国兄並外從五位下是日進文德天皇女御從三位
藤原朝臣古子階加從一位無位源朝臣良姬從四位上禮畢還
宮飲群臣賜祿各有差九日丙寅地震十日丁卯停大原野
祭十一日戊辰無位坂子女王重子女王並授從四位下是褰
御帳之女王也凡天皇即位之日擇王氏女有容儀者二人充
褰御帳之職因而賜爵他皆效此大納言正三位兼行右近衛大
將民部卿陸奧出羽按察使安部朝臣安仁抗疏請解大將曰安
仁材非九德藝謝七功猥蒙先皇帝之恩假以右將軍之節辭
不獲命僂俛從事猶輸深哀欲訴非捷而奄然崩殂哀號無及今
聖上承緒鴻化推新舍聯懷肝孰不仰屬安仁委質先朝雖無
一介之善歸誠今上豈思累葉之恩所以鞠躬刻心志報效而
此職任當股肱寄重爪牙警衛勤處事功夙夜况復整烏合之衆

必資膂力統鷹揚之師宜籍號雄安仁蒲柳秋衰昏耄日迫雖欲
自勉力不從心擁雲旗而慙威稜佩霜劍而愧冠德恐老病潛發
坐殿陣乞收將軍之印綬保殘生於桑榆臣解此職而所帶猶多
於效治塵豈謂無地伏願曲垂優恤鑒其所敢即而許之不任懇
款之至不聽 十三日庚午太政官頒下今月七日 詔書於京
畿七道諸國云今就 詔旨天安二年十一月七日以前內外未
得解由之輩不論已言上未言上准承和例其身所犯莫以拘責
但未言上者後司造會赦帳前後共署言上亦如先格又當年徭
責不可更免者後年聽後不如明 詔敢有乖違者殊處重責不
曾寬恕又仁壽元年以往調庸未進言上在民身者不明搜檢早
從免除若徵取已訖隱為未進及言上先訖更加徵責者科責如
前並是權時之恩宥非猾吏之可恃慎此風迹不得再然自餘事
條一依 詔旨 十四日辛未從四位下藤原朝臣多可幾子卒

多可幾子者右大臣從二位良相之第一女也少有雅操 文德
天皇仁壽初選入掖庭祓而為女御二年授正五位下四年進爵
為從四位下 十七日甲戌大納言正三位兼行右近衛大將民
部卿陸奧出羽按察使安倍朝臣安仁重上疏曰安仁近歷情款
伏佇乾照而還旨冲深未重矜許魂影震迫無以自厝臣耄年既
及慮散命陪危尚監帶衆官久華謗議而鴻恩未答纖効無聞居
常勤已未能愬辭竊以將軍之職寄重責深禦侮防非唯力是視
假臣壯年猶尸素况茲暮齡懼同敗荷是以抽丹瀉原誓祈久遠
伏願天恩無偏特垂監許則備方理順庸臣獲所不任愚愷之至
許之 廿日丁丑停園禰神祭自此之後鎮魂新嘗等諸祭皆停
止 詔山城國司令停警園 廿一日戊寅遣內舍人正七位上
藤原朝臣宗行佐伯宿祢春岑紀朝臣良津賚 勅符木契解諸
關警是日夜分圓近江關使從五位上坂上大宿祢貞守歸奉契

以正三位行中納言源朝臣定為兼右近衛大將。廿四日辛巳
固伊勢國使散位從五位上藤原朝臣菅雄飯奉契。廿五日
壬午宣。詔内外去改先中官職為皇太后宮職以散位從五位
下橘朝臣林蔭為待從從五位下安部朝臣有道為大監物從四
位下兵部大輔兼越前權守藤原朝臣良仁為中官大夫從五位
上守右少辨藤原朝臣家宗為亮右少辨如故正五位下行丹波
守大枝朝臣音人為式部少輔外從五位下行直講布瑠宿祢淨
野為助教散位從五位下橘朝臣春成為雅樂頭正五位下豐前
王為民部大輔從四位下行民部大輔兼加賀守藤原朝臣仲統
為兵部大輔散位從五位下安倍朝臣房上為大判事正四位下
行下野守豐江王為宮内卿散位從五位下清原真人道雄為少
輔從五位下藤原朝臣守平為大膳大夫從五位上出雲朝臣冬
嗣為典藥頭從五位下高橋朝臣淨野為内膳奉膳從四位下茂

世王為彈正大弼從四位下行近江權守紀朝臣今守為左京大
夫參議左大辨從四位上兼行勘解由長官左近衛中將藤原朝
臣良繩為近江權守餘官如故散位從四位上清原真人長田為
下野守從五位上行丹波介坂上大宿祢貞守轉權守從五位下
行權介藤原朝臣諸藤轉守從五位上守左近衛權少將兼行少
納言侍從藤原朝臣基經為播磨介餘官如故從五位下行曆博
士兼紀伊權介大春日朝臣真野麻呂為補後介曆博士如故從
五位下守右衛門權佐紀朝臣恒身為紀伊權守從五位上守右
中辨兼行式部少輔播磨介紀朝臣兼井為讚岐守右兵衛佐從
五位下藤原朝臣廣基為右衛門權佐侍從從五位下源朝臣至
為右兵衛佐。廿六日癸未固美濃閔使散位從五位下藤原朝
臣直道歸奏奉契諸衛解嚴贈故正三位源朝臣潔姬正一位遷
從四位上行越中守源朝臣啓於神樂園家告以贈位潔姬。帝

之外祖母也左京職言每年進銀治戶百濟品部戶等計帳無益
於公家有煩於職吏請除弃而不進從之 廿七日甲申以大安
寺僧傳燈大法師位春耀東大寺僧傳燈大法師位安圓並為內
供奉十禪師 十二月戊子朔於右仗頭賜親王已下侍從已上
酒非侍從亦預之賜祿各有差 二日己丑前春官職印一枚進
於內裏 八日乙未公卿奏請省弃五月七日贈皇后忌忌去謹檢
往事後太上皇德崇謙光不存國忌而獨留皇后之忌日勘之禮
經義乖相配伏請一准舊典式從停廢奏可太政官論奏曰對馬
嶋下縣郡擬大領外少初位下直氏成上縣郡擬少領無位真仁
德等率部內百姓首從十七人發兵射殺守正七位下直野連正
峯及從者榎本成岑等罪皆當斬 詔減死一等處之遠流須去
十月十日以前依式奉諫而奉葬 文德天皇未滿三十日亦皇
太子未即位故延而行之非緩也以正五位下行式部少輔大江

朝臣音人為右中辨式部少輔如故 九日丙申 詔定十陵四
墓獻年終荷前之幣 天智天皇山階山陵在山城國宇治郡春
日宮御宇天皇田原山陵在大和國添上郡天宗高紹天皇後田
原山陵在大和國添上郡贈太皇太后高野氏大枝山陵在山城
國乙訓郡 桓武天皇栢原山陵在山城國紀伊郡贈太皇太后
藤原氏長岡山陵在山城國乙訓郡崇道天皇八島山陵在大和
國添上郡先 太上天皇楊梅山陵在大和國添上郡 仁明天
皇深草山陵在山城國紀伊郡 文德天皇田邑山陵在山城國
葛野郡贈太政大臣正一位藤原朝臣鎌足多武峯墓在大和國
十市郡後贈太政大臣正一位藤原朝臣冬嗣宇治墓在山城國
宇治郡尚侍贈正一位藤原朝臣美都子次宇治墓在山城國宇
治郡贈正一位源朝臣繁姬愛宕墓在山城國愛宕郡 十日丁
酉神祇官所奏御躰御卜大臣奏之 詔改真原山陵為田邑山

陵十三日庚子地震公卿於外記候廳聽政自文德天皇崩後於近衛陣頭聽辨官所申之政今日始復常儀是日公卿於侍從所飲酒五位以上預席者八十餘人以太政官厨家綿賜上下各二也十四日辛丑奉亮田邑山陵陵戸四烟十五日壬寅分遣公卿已下侍從已上於諸山陵墓獻荷前幣是日天皇不御建礼門前大臣行事十九日丙午屈名僧十口於內殿轉讀大般若經限以八日是日始修佛名懺悔之事凡每年十二月十九日延名僧三四人於內殿始修佛名懺悔限三日訖他皆效此廿九日丙辰授無位良岑朝臣親子從五位下卅日丁巳大祓大讎如常儀

日本三代實錄卷第一終

日本三代實錄卷第二起貞觀元年正月盡五月

左大臣從二位兼行左近衛大將臣藤原朝臣時平等奉

勅撰

貞觀元年己卯春正月戊午朔天皇不受朝賀諒闇也中務省七耀曆官內省藏冰椽太宰府腹赤魚等付內侍奏七日甲子詔以讚岐國從五位下雲氣神列於官社是日天皇不覽青馬停節會之事也八日乙丑於大極殿始講寂勝王經以元興寺僧三論宗傳燈大法師位道昌為講師不舉音聲過密也每年十月興福寺維摩會屈諸宗僧學業優長果五階者為講師明年正月大極殿御齊會以此僧為講師三月藥師寺最勝會講師亦同請之經此三會講師者依次任僧綱他皆效此十日丁卯所司獻剛卯杖天皇不御前殿付內侍奏是日始奉天下諸社神室仍大祓於建礼門前正三位行權中納言平朝臣高棟奏請別墅在山城國葛野郡以為道場賜額平等寺詔許之十三日

庚午以散位從四位下利基王為侍從從五位下源朝臣謹為雅
樂頭外從五位下高丘宿祢百興為和泉守從四位下滋野朝臣
貞雄為稭津守外從五位下壹志宿祢吉野為參河介從五位下
藤原朝臣真冬為遠江守從五位下行式部大丞臣勢朝臣及井
為駿河守從四位下行右兵衛督源朝臣勤為相模守右兵衛督
從五位下行內膳正清原真人真負為上總介從五位下守雅樂
頭橘朝臣春成下總介從五位上行丹波權守坂上大宿祢貞守
為美濃權守宮內少輔從五位下清原真人道雄為上野介從五
位下守左近衛少將兼行備前權介坂上大宿祢當道為陸奧守
出雲守從五位下伴宿祢春宗為介從四位上行越中守源朝臣
啓為加賀守散位從五位上廣宗宿祢繼元為越中守從五位下
上毛野朝臣繩主為能登守從五位下坂上大宿祢貞雄為丹波
介從四位下行侍從輔世為但馬守散位從五位下三原朝臣永

道為伯耆守從五位下藤原朝臣數守為出雲守從四位下行左
馬頭在原朝臣行平為播磨守參議正四位下行左大辨兼左衛
門督藤原朝臣氏宗為伊豫守左衛門督如故從四位上守刑部
卿兼行但馬守藤原朝臣春津為備前守參議從三位行右衛門
督源朝臣融為備中守右衛門督如故散位從五位下藤原朝臣
直道為周防守外從五位下三善宿祢氏吉為淡路守參議從三
位行皇太后宮大夫伴宿祢善男為伊豫權守皇太后宮大夫如
故刑部少輔從五位下源朝臣頴為權介從五位下守大判事安
倍朝臣房上為土佐守右近衛中將從四位下兼行相模守源朝
臣興為筑前守左近衛中將如故散位從五位下大原真人真室
為肥後權介外從五位下善道朝臣根庭為豐後介從五位下行
上總介藤原朝臣良尚為左近衛權少將從五位上行豐前守清
原真人秋雄為左馬頭 十四日辛未大極殿齊講畢名僧於

御前論義施祿如常 十六日癸酉停踏歌之節諒閣也從五位
下行陸奧介坂上大宿祢當道為鎮守府將軍 十七日甲戌六
衛射礼停而不行 廿一日戊寅美濃國言紫雲見 廿二日己
卯能登國馳驛言渤海國入覲使馬孝慎等一百四人來着珠洲
郡大宰府言筑前國志摩郡兵庫鼓自鳴庫中弓矢有聲聞外
廿七日甲申京畿七道諸神進階及新叙惣二百六十七社奉授
淡路國无品勲八等伊佐奈岐命一品備中國三品吉備都彥命
二品神祇官无位神產日神高御產日神玉積產日神生產日神
足產日神並從一位无位生井神福井神網長井神波比祇神阿
須波神櫛石窓神豐石窓神生島神足嶋神並從四位上官內省
從三位園神輔神並正三位大膳職正四位上御食津神從三位
左京職從五位上太祝詞神久慈真智神並正五位下大膳職從
五位下大八島富神八前齋火武主比命神內膳司從五位下庭

延喜式
神名帳
圖作圖

火皇神造酒司從五位下大戸自神等並從五位上无位酒殿神
從五位下山城國正二位勲二等松尾神從一位葛野月讀神平
野今木神並正二位正四位下稻荷神三前並正四位上正四位
下大若子神小若子神酒解神酒解子等並正四位上平野從四
位下久度古開神從四位上正五位上貴布祢神正五位下乙訓
火雷神從五位上水主神等並從四位下正五位下合殿比咩神
正五位上從五位下樺井月讀神木島天照御魂神和伎神並正
五位下從五位下祝園神天野夫支賣神因田鴨神因田園神樺
井月讀神棚倉孫神許波多神出雲井於神片山神鴨川合神等
並從五位上正六位上與度神石作神向神篁原神鴨山口神小
野神久我神高橋神雙栗神水度神伊勢田神无位小社神並從
五位下大和國從一位大己貴神正一位正二位葛木御歲神從
二位勲八等鴨阿治須岐宅比古尼神從二位高市御縣鴨八重

事代主神從二位勳二等大神大物主神從二位勳三等大神大
 國魂神正三位勳六等石上神正三位高鴨神並從一位正三位
 勳二等葛木一言主神高天彥神葛木火雷神並從二位從三位
 廣瀨神龍田神從三位勳八等多坐於志理都比古神金峯神並
 正三位正四位下丹生川上雨師神從三位從五位下賀夜奈流
 美神正四位下從五位下勳八等完師兵主神片岡神夜岐布山
 口神並正五位上從五位下都祁水分神都祁山口神石寸山口
 神耳成山口神飛鳥山口神畝火山口神長谷山口神忍坂山口
 神宇施水分神吉野水分神吉野山口神巨勢山口神葛木水分
 神鴨山口神當麻山口神大坂山口神伊古麻山口神並正五位
 下從五位下和介赤坂彥神山邊御縣神村屋祢富都比賣神池
 坐朝霧黃幡比賣神鏡作天照御魂神十市御縣神目原高御魂
 神畝尾建土安神子部神天香山大麻等野知神宗我都比古神

甘檉神稔代神牟佐坐神高市御縣神輕樹村神天高市神太玉
 命神櫛玉命神川俣神波多禊井神坐日向神卷向若御魂神他
 田天照御魂神志貴御縣神忍坂生根神葛木倭文天羽雷命神
 長尾神石園多久虫玉神調田一事丘古神金村神葛木御縣神
 火幡神往馬伊古麻都比古神平群石床神矢田久志玉比古神
 添御縣神伊射奈岐神葛木二上神並從五位上无位綱越神從
 五位下河内國從一位勳三等枚岡天子屋根命正一位正三位
 勳六等恩智大御食津比古神恩智大御食津比咩命神並從二
 位正四位上勳六等枚岡比咩神從三位從五位下杜本神正四
 位下從五位上丹比神正五位下從五位下春日戶神高宮神弓
 削神志紀長吉神狹山堤神狹山神菅生神並從五位上和泉國
 正五位下勳八等大鳥神從四位下拱津國從三位勳八等廣田
 神正三位正五位上勳八等生田神從五位上勳八等長田神從

神名帳
有神自
有射無
有神知
神未加
孰是
神名帳
天比乃
理刀咩
命神作
后神天
比理乃
咩命神
社

五位上垂水神從五位下勳八等大依羅神難波生國魂神下照
比女神坐摩神從五位下勳八等新屋天照御魂神並從四位下
從五位下名次神正五位下從五位下中臣須牟地神伊射奈岐
神伊和志豆神並從五位上伊賀國元位穴石神從五位下伊勢
國從三位多度神正三位從四位下阿射加神從四位上尾張國
正三位執田神從二位駿河國從三位淺間神正三位伊豆國從
四位下三島神從四位上從五位下楊原神從五位上武藏國從
五位下氷川神從五位上安房國從三位勳八等安房神天比乃
理刀咩命神並正三位近江國從二位勳一等比叡神正二位從
五位上勳八等伊香神從四位下從五位下伊富岐神佐久奈度
神水口神川田神三上神與津嶋神小比叡神並從五位上美濃
國從三位仲山金山彦神正三位信濃國正三位勳八等建御名
方富命神從二位從三位建御名方富命前八坂刀賣命神正三

位上野國正五位下勳八等貫前神從四位下下野國從三位勳
四等二荒神正三位陸奧國正五位上勳四等計仙麻神正五位
下勳四等志波彥神勳五等拜幣志神勳六等零羊埜神從五位
上勳四等志波姬神並從四位下從五位下計仙麻大島神從五
位上若狹國從二位勳八等若狹比古神正二位正三位若狹比
咩神從二位越前國正二位勳一等氣比神從一位從四位上勳
六等推前神勳六等劔神並正四位下加賀國白山比女神正三
位能登國正二位勳一等氣多神從一位越中國從三位高瀨神
二上神並正三位丹波國從五位下小川月神麻氣神並從五位
上丹後國從五位下大川神大宮賣神並從五位上出雲國從三
位熊野神勳八等杵築神並正三位播磨國從五位下勳八等粒
坐天照神伊和坐大名持御魂神並從四位下從五位下海神從
五位上安藝國正五位下伊都岐島神從五位上速谷神並從四

位下從五位下多家神從五位上長門國從五位下住吉荒魂神
 從五位下紀伊國從四位下伊達神志摩神靜火神並正四位上
 從五位下勲八等丹生都比賣神伊太祁曾神大屋都比賣神都
 摩都比賣神鳴神並從四位下從五位下須佐神熊野早玉神熊
 野坐神並從五位上阿波國從五位下大麻比古神忌部天日鷲
 神並從五位上土佐國從五位下都佐坐神從五位上筑前國正
 三位勲八等田心姬神湍津姬神市杵島姬神並從二位正五位
 下竈門神從五位下筑紫神並從四位下從五位下織幡神志賀
 海神美奈宜神並從五位上无位住吉神從五位下筑後國正三
 位高良玉垂命神從二位從四位下豐比咩神從四位上肥前國
 從五位下田島神從四位下肥後國從二位勲五等健甞龍命正
 二位從四位下阿曾比咩神從四位上壹岐島從五位下海神住
 吉神兵主神月讀神並從五位上對馬島從五位下和多都美神

高御魂神住吉神並從五位上 廿八日乙酉授无品錦部淨刀
 自子外從五位下正六位上行少外記廣宗宿祢安人大內記正
 六位上安倍朝臣清行為領渤海國客使 廿九日丙戌大掖於
 建禮門前以明日將發班幣諸使也 二月丁亥朔停釋奠之禮
 諒閣也遣使伊勢國太神官及五畿七道班幣諸神告以即位之
 由神祇官從一位神產日神高御產日神從一位玉積產日神從
 一位足產日神大和國從一位勲二等大神大物主神並奉授正
 一位 四日庚寅於神祇官修祈年祭渤海國客着能登國是日
 詔遷於加賀國安置使處 五日辛卯西京失火延燒數十家
 七日癸巳 詔遣典藥頭從五位上出雲朝臣岑嗣於備中國
 採石鍾乳從六位下行直講菊田首安雄為領渤海客使以廣宗
 安人辭退也 九日乙未大初位下春日朝臣宅成為渤海通事
 十日丙申春日祭如常 十一日丁酉有赤黃白氣形如車輪

統日授信濃國從二位勳八等建御名方富命神正二位正三位
建御名方富命前八坂刀賣命神從二位神祇官從四位上生島
神足島神並正四位下信濃國從五位下守宅神從五位上大般
若經一部安置氣比神宮寺右大臣從二位兼行左近衛大將藤
原朝臣良相奏請以私第一區建崇親院安置藤原氏無居宅者
便隸施藥院厥所須付物令施藥院司掌之又建延命院便隸勸
學院安置藤原氏有病患者詔從之 十三日己亥土佐守從
五位下安倍朝臣房上為圖書頭從五位下守圖書頭當麻真人
清雄為諸陵頭散位從五位上藤原朝臣菅雄為民部少輔從五
位下栗田朝臣雄上為鼓吹正從四位上行阿波守藤原朝臣輔
嗣為刑部丞阿波守如故散位從五位上百濟王慶世為大輔從
五位下橘朝臣末茂為少輔從五位下守雅樂頭橘朝臣春成為
大判事散位從五位下御長真人延人為大藏少輔河內守從五

位下滋野朝臣善根為宮內少輔散位從五位下連扶王為內膳
正從五位下行上總介清原真人真貞為左京亮從四位下行越
前守橘朝臣海雄為右京大夫正四位下行右京大夫兼式部大
輔信濃守南淵朝臣年名為勸解由長官式部大輔信濃守如故
從五位下守諸陵頭大枝朝臣直臣為河內守右兵庫頭從五位
上百濟王永仁為樞津權介散位從五位下吉備朝臣全繼為上
總介民部少輔從五位下淡海朝臣弘峯為下總守散位從五位
下笠朝臣豐興為越前守從五位下守玄番頭兼行筆博士家原
宿祢氏主為伯耆守伯耆守從五位下三原朝臣永道為出雲守
從五位下行伊豫權介源朝臣頴為備前介勸解由次官從五位
下藤原朝臣宜為伊豫權介豐後守從五位下橘朝臣岑雄為土
佐守左京亮從五位下朝原宿祢良道為豐前守散位從五位下
藤原朝臣世教為豐後守出雲守從五位下藤原朝臣數守為右

兵庫頭 十五日辛丑 詔越前國司寫大般若經一部安置氣
比神宮寺 十七日癸卯授尾張國從二位熱田神正二位從四
位下大縣神從四位上伊勢國正三位多度神從二位 十九日
乙巳遣正五位下守右中辨兼行式部少輔大枝朝臣音人向伊
勢國多度神社尾張國熱田大縣等神社奉神位記財室 廿五
日辛亥請六十口僧於東宮轉讀大般若經今日起首限三日訖
允貞觀之代每年四季轉大般若經他皆効此以長門國醫師從
八位下海部男種麻呂為採銅使 詔三箇年內所進銅鈔年別
各足三千斤者須借授五位其後三年內不減此數者隨為真
廿七日癸丑下知五畿七道諸國令修理諸神社宜自今以後官
長專當年中脩理色目付朝集使言上 廿日丙辰大掖於建禮
門前以明日可發奉幣八幡大菩薩使也 筑前國從二位勳八等
田心姬神湍津姬神市杵島姬神並授正二位太政大臣東京一

條第從二位勳八等田心姬神湍津姬神市杵島姬神並授正二
位此六社居雖異實是同神也 三月丁巳朔遣散位從五位下
和氣朝臣巨範向豐前國八幡大菩薩宮奉幣帛財室神馬等告
以即位之由也 三日己未停御齋燒燈之事 四日庚申遣左
衛門少尉正六位下紀朝臣今影右衛門大志從六位上櫻井田
部連貞雄麻呂於河內和泉兩國辨決陶山之爭 五日辛酉授
相模國大住郡大領外從五位下壬生直廣主從五位下正六位
上大神朝臣田仲麻呂外從五位下 十三日己巳領渤海國客
使大內記正六位上安倍朝臣清行直講從七位下荊田首安雄
御裝進發告宣云使等宜稱存問兼領渤海客使當般不任存問
使也 渤海國副使周元伯頗闕文章 詔越前權少掾從七位下
島田朝臣忠臣假為加賀權大掾向彼與元伯唱和以忠臣能屬
文也 十九日乙亥大僧都傳燈大法師位真雅抗表曰道之極

味無勝秘藏人之高行在轉法輪秘藏不直聞待緣乃聞法輪不
 獨轉逢時初轉法興道隆其應有由伏惟 今上陛下值良因於
 往劫讚寶祚於今辰聖仁攸被無遠而不臻佛心所知無幽而不
 照真雅幸謁聖明之主儻遇仁造之時道喜人歡効此足矣所謂
 悉曇梵字者九聖之教文人天之知母者也所以學字相者廣生
 世間兼智觀字義者深證出世妙智以巨海吞百川如大地載萬
 物如來說法自斯字而發薩埵圓覺從彼文而闡真雅苟為傳薪
 之人何無弘法之思待緣仰運齡頤力衰如今當於此際會不果
 彼心期則俟河之清人壽幾何若夫嘉祥寺者 先帝奉為深草
 天皇所建立也舊跡風流宛然在日伏願便於彼寺新院永賜三
 人度者教以悉曇文相學以梵字字義即是聲聞之業法文之要
 是故真言宗以此為要道應學法明其數巨多今所最要者配於
 三人也將使一人諳書大佛頂梵字一人諳書大隨求梵字一人

撰津宮
 作讀岐
 雪當作

諳書悉曇章梵字亦其護身則摩尼之力殊高存命則尊勝之助
 最深是以莎底苾芻返損滅之神於明王善住太子延已縮之命
 於佛頂拯濟之功且億界而不竭度脫之力歷萬劫而無極然即
 使此三人兼讀大孔雀明王經三卷并佛頂尊勝梵字一通每年
 三月上旬試定上件三人當於 今上降誕之日度之其得業之
 後為持念之僧往嘉祥西院轉孔雀尊勝恒護十善之願與永堅
 九重之寶城特令弟子之中冠首者永代相承行此白業然則
 今上陛下德滿乾坤明等日月保不壞之聖躰於轉法之力舉無
 彊之法壽於密言之功 深草聖帝正覺之花更鮮 田邑先皇
 無價之寶弥照即使世同東戶時化南薰天下清平人物安樂
 詔許之 廿日丙子授大膳職督院無位高部神從五位下 廿
 二日戊寅授撰津国正六位上雪氣神從五位下伯耆守從五位
 下家原宿祢氏主為勘解由次官兼采博士周防守從五位下藤

波已曾 甲波宿 祢之誤 倭因本 是王氏 而為禰 所界邊 成賊肆 故去倭 在陸奥 出羽後 命居諸 國凡類

原朝臣直道為鑄錢長官周防守如故散位外從五位下高丘宿
祢百興為和泉守從五位下守左近衛少將藤原朝臣良尚為上
總權介少將如故外從五位下行豐後介善道朝臣根延為越後
權介散位外從五位下都宿祢御曹為因幡權介從五位下行上
總介吉備朝臣全繼為伯耆守散位從五位下藤原朝臣山蔭為
備後權介外從五位下當野忌寸平麻呂為豐後介 廿六日壬
午授上野國正六位上波已曾神從五位下安藝國正六位上大
麻天神伊都岐島中子天神水分天神天社天神並從五位下
詔令出羽國秋田郡倭囚道公宇夜古道公宇奈岐度之先是國
司上言倭囚等幼棄野心深愧異類依佛理苦願持戒仍特
許之授正六位上高向朝臣公輔從五位下無位紀朝臣金子田
中朝臣保子安倍朝臣高子並從五位下 廿七日癸未制主稅
寮史主勞以十年為限 夏四月丙戌朔日有蝕之雷雨震東京

民居二家 二日丁亥 天皇不御前殿於左仗頭賜飲親王以
下次侍從以上賜祿各有差是日 詔以從四位下時佐王從五
位上百濟王慶正並為次侍從 三日戊子安藝國采女九直貞
乃自賜姓名笠朝臣官子餘左京職官子中務少丞正六位上笠
朝臣豐主之女女雄宗王之女淨林女也大同元年雄宗王以伊
豫親王家人配流安藝國官子少年從母不知父族貫安藝國賀
茂郡九直氏預采女之貢美濃守從五位上笠朝臣數道越前守
從五位下笠朝臣豐興等證之仍復本貫姓名 四日己丑廣瀨
龍田祭如常 七日壬辰式兵二省奏擬階文 天皇不御前殿
大臣奉 勅命省行之武藏國去秋水滂下野國大風陸與國洪
水出羽國霜雹加賀國水旱出雲國秋寒並賑給之 八日癸巳
內殿灌佛如常凡每年四月八日 天子於內殿灌佛親王公卿
及殿上六位以上各奉新錢多少有差他皆效此 九日甲午從

五位下守諸陵頭當麻真人清雄為圖書頭從五位下守圖書頭
安倍朝臣房上為治部少輔從五位下行大外記兼相摸介滋野
朝臣安成為上野權介大外記如故 十日乙未授法花寺從三
位舊枕高御座極日神正三位正四位上火雷神從三位從四位
下法花寺坐神從四位上 十五日庚子公卿於太政官曹司廳
賜成選位記宣制云 勅旨止 宣大命乎 衆聞食止 宣天安二年
成選人等令其仕奉乃隨令冠位上賜比治賜止波久 宣大命乎 衆
聞食止 宣是日 詔曰朕聞自古赫元居正者雖運殊根英事別
沿革而改正朔變徽章以易民之視聽也故能皇疏不測萬朔酌
而不厭帝系無涯千載公布而無昧方今春忠已達夏德為余衆
鳥調翼而始足百花成實而新結見候物之如此知開元之所宜
其改天安三年以為貞觀元年將使皇猷正一被群品以用全寶
曆延長均兩儀以年遠是日神祇官卜以參河國播豆郡為悠紀

美作國英多郡為主基 十八日癸卯皇太后遷自東宮御右大
臣西京三條第去年八月二十九日與 今上同輿遷自冷然院
御於東宮擬還五條宮暫御大臣第為避忌也進參議從三位行
皇太右宮大夫伴宿祢善男階加正三位亮從五位下三統宿祢
真淨從五位上外從五位下行大進御船宿祢彥主從五位下緣
皇太后御願置安祥寺年分度者三人願文曰竊以真化無方導
慈航於暗海神功不測運智矩於邪山窺涉者莫究其宗皈仰者
咸超彼岸權實兼濟名言四施故能感通之理紛綸於沙界報施
之途照彰於塵劫者矣伏惟 仁明皇帝均芳得一降迹大千雖
垂衣廣運負宸高居而十地無忘四禪有記逮乎白雲有御仙駕
不追九服所以纏哀百靈於是結慟威靈若在歲月逾深余昔出
自閩門入侍巾櫛瑤光降神誕生得 先帝肅奉天規丕降祖業
未從汾水之遊俄遷鼎湖之駕慧日早隱世間虛空終天不可復

看隔地何自將會。舐犢之情感于懷。抱垂堂之念慙於神。余家亡二親。因送兩帝三從之義。永絕孤寡之思。交侵夫以有始者必有終。有生者必有死。哀樂代謝。盛衰互來。猶如朝之有暮。晝之有夜。必然之理。所以不脫也。是以調御大夫示林變之悲。淨德夫人遺花委之患。上界天人猶以不免。下界凡夫何方得道。况復奈河之渡。平生之財不隨平等之前。君臣之序無辨。猶生而獨死。自作而自受。即知藏庫之富。空穢清淨之心。王侯之貴。還囚自在之身長。養此六賊。輪迴彼三界。豈如借有為之力。構無為之家。但有漏之身。轉無漏之職。夫仁遠乎我。欲斯至早。歲有志未屬。時來去仁壽年中。初建此伽藍。布須達之金。割祇陀之地。翹旌沙之務。馳于填之誠。輪奐之功。龍宮自寫毗首之功。尊顏更闕。於是延荷衣為住持之客。屈龍象為傳燈之主。余雖有丈夫志。未能行婦人之身。所願每年度此三人代身。修道將除三毒。上以增法之壽命。下以遂

我懷之宿望。但以衆生種性大小不同。能仁隨應示現。非一故。空教有教。頓漸權實各當。其器皆是無二。菩薩利他。孰捨孰取。然則世間行八宗之教。須皆脩習。應病與藥。然而人命有限。法門無盡。仍人々分學。不責該通。而淺薄之輩。庸受之流。各迷所見。誣所不見。遂使一味之水。忽異波爛。同床之子。還成矛盾。論之正教。良所不害。今之所度。有異於此。夫真教門諸法之肝心。如來之秘要。凡在佛子。必可脩習。仍課度者。以為自宗。自余七宗皆為兼學。度者必須並學。一宗立此兼齊之道。示彼不別之心。仍試度之後。便竈寺家七年之際。不聽出書。則講所兼之經論。夜則念所宗之經咒。又令此度者。每年相次。夏中三月。講演法華。寂勝仁王等經。其講師者。寺家簡定。牒僧綱所將。令充行。但法家寂勝年年相替。令講一部。至仁王經。每年加講。住山限滿。當行利他。須准新藥弘福法。隆崇福寺之例。預維摩會。寂勝會。暨義列其年次者。置崇福下。但

後已下之業本寺據例課試令失修名之徒知所屈束實之流有
所伸然則道之精華未墜於地義之骨體猶在於人又每至八日
起二十一日盡二十七日令七箇日殊奉為田邑天皇令修尊
勝法與乾坤而終始將日月而貞明此之勝緣是為無量維持奉
資仁明天皇洗拂菩提之樹開敷正覺之花奠香田邑天皇
神器青蓮臺上面奉弥陀紫紺堂中親兼茲氏聽八音而證果登
千葉而娛神庶幾我皇千佛並手俱垂摩頂之愍百億聚口同加
育養之慈金輪長轉北極之尊不動塵劫方盡南山之壽不虧大
庭興夢無為之化可及豐谷騰歌有截之風弥長開闢以來登遐
聖靈灑薰修之兩清三障之垢後代有土主依持念之風固
萬代之基殊別奉莊天智天皇山陵北域近於道場踈鐘覺長
夜之眠雅梵驚重昏之聽不改山岳之色即開靈鷲之峯乍御生
死之界即取涅槃之樂太皇太后及與中宮坤義備德王母獻壽

太政大臣匡揚皇化致君昇堯舜之美贊弼帝德捧聖蓋義軒之
聲諸王公固盤石之緒天人之際逾高股肱申補袞之規山河之
賞克懋文武罄匪躬之節救伯宣字育之方華夷依仁士女蹈義
日月光華風雲律呂時和歲阜灾害不生民富世豐禍乱不發上
至有頂下究輪際中間所有一切含識同垂種智之事等遊寂光
之土愍是廣大切德奉資考妣之神膝下之恩昊天罔極懷抱之
愍厚地不比而風樹不得寒泉空咽願遣蓋根之奉資莊嚴之志
驚空真之轍泛解脫之舟闕道樹於天宮揚惠風於鷲嶺凡厥試
度之事令權律師傳燈大法師位慧運專一勾當血脉相傳不闕
別人其行事者一任寺記若有臨時應以俗為勾當者專依寺家
所請不更雜用他人廿日乙巳詔賜左大臣從一位源朝臣
信橫津国河邊郡為奈野為遊獵之地廿一日丙午大祓於建
礼門前以觸穢之人入於御在所也河内和泉两国相爭燒陶伐

薪之山依朝使左衛門少尉紀今影等勘定為和泉國之地
三日戊申六府警固緣賀茂祭也大納言正二位兼行民部卿陸
奧出羽按察使安倍朝臣安仁薨安仁者左京人從四位上行治
部卿東人孫而參議太宰大貳從四位上寬麻呂之子也安仁身
長六尺三寸姿白環偉性沉深有威重少直校書殿弘仁中為山
城大掾累遷中務民部少丞天長初除近江權大掾介藤原朝臣
弟雄深相親善委任政事安仁為政強濟名聞朝廷秩限未滿授
從五位下除信濃介視事三年部內肅然任終之年加從五位上
廢能治也尋拜兵部少輔俄而進正五位下兼和元年轉大輔遷
任近江權介明年遷刑部大輔有勅侍奉太上天皇於嵯峨
太上天皇甚親任以安仁為院別當事無大小委決於安仁先是
院事擁滯男女多愁安仁旬月之間平理并行太上天皇深嘉
之尋遷治部大輔太上天皇嘗從容評議諸國吏之優劣以為

未若安仁為信濃介之能後人莫之及即賜牙笏玉帶金魚袋并
御衣一襲有識相賀云此賞是宰相之鴻漸也三年授從四位下
五年拜參議為刑部卿太上天皇語安仁曰汝宜早掌樞機之
職何久行山院之事七年為左大辨停別當職其後院中庶事不
理有勅復為別當辨官之政拂曉而入安仁退衛之後必詣嵯
峨往還之程原野數里朝廷恤其繁劇為擇簡之職九年遷大藏
卿是年七月太上天皇崩皇太子坐事被廢八月立諱文德親
王為皇太子以安仁為春宮大夫十年兼下野守未幾兼彈正大
弼十一年授從四位上十三年加正四位下遷左大辨春宮大夫
彈正大弼下野守並如故十五年進爵為從三位拜中納言數日
兼民部卿春宮大夫如故嘉祥三年授正三位齊衡二年領陸奧
出羽按察使上表辭民部卿不許拜權大納言安仁志尚謙虛愛
公如家顧謂子弟云諸國調貢多入封家納官者少所食之邑於

身有餘乃上表曰帶職兩三官周旋於具瞻之地食邑八百戶盈溢於尸素之身伏望減大納言之所食給中納言之所封帝感安仁之有讓特許其所請天安元年為大納言兼右近衛大將抗表苦辭大將優詔不聽頻上至于二然後許之薨時年六十七安仁達練政體明解朝章每有奏議應對無滯至於假景教誡子孫有子男八人負行宗行清行興行寂知名興行始舉秀才對策及第廿四日己酉賀茂神祭停遣朝使緣有穢也是日夜大雨流潦奔突沃滄難涉廿六日辛亥常陸國正六位上石船神佐波神並授從五位下廿七日壬子授安藝國從五位上多家神從四位下廿八日癸丑詔曰書稱科斗篆籀之訓斯彰簡號常編交易之方日遠是以姜公通市井之貨齊國大彊鷓夷善發歛之居陶葉爰盛遠則赤側白金近則鵝眼縑環順世而異名逐時而興利但權輕作重子去母隨誠是歷年之漸深遂知行用之弥

賤宜改舊弊更制新錢勅此變通救彼流弊文曰饒益神寶一以當舊之十即舊之與新並令雜用是明二十日以前有讀奏諸國銓擬郡司擬文之儀例也而史漏而不書故今闕焉五月丙辰朔參議從四位上行式部大輔藤原朝臣貞守卒貞守者參議從三位楓麻呂曾孫而正六位上諸貞之子也貞守器宇凝峻頗有學涉天長元年為大學大允累遷內匠助皇太后宮大進五年授從五位下為右少辨遷式部少輔不幾復右少辨兼讚岐介十年加從五位上兼和元年遷春宮亮兼豐前守後年為信濃介春宮亮如故九年七月皇太子被廢仍在遷越後權守十五年徵拜式部少輔兼備前介嘉祥三年增正五位下遷右中辨仁壽元年授從四位下轉左中辨三年遷右大辨數月拜參議尋兼下野守齊衡二年進階為從四位上拜式部大輔卒時年六十二四日己未丹波國荒木神列於官社分肥後國合志郡始置山本郡五

日庚申停端午之節諒闇也 七日壬戌四品守彈正尹兼行常
陸太守人康親王出家入道上表曰臣人康言身居雲漢之末才
無消流之效空備蕃纓徒縈疾病謝臣欲遂頑怯於聖日不慮幽
人長往之縱將盡筋骨於明時豈歸真如寂滅之道然而蒙昧之
身荷榮顯鬼必瞰其滿盈尊崇之地處虛羸天宜奪其年筭斯乃
臣所以一寒一暑膚腠作痛患之機或晦或明心肺皆養病之府
者矣臣今年二月熱發甚篤醫藥無所施其方針熨遂不通其術
即知魂遊岱岳九原多一死之悲夢上鈞天七日無再生之効綿
綴之間纒發此念出家功德免三途苦仍先請二師已受十戒形
猶秃丁服是僧祇豈計非更生之藥起朽質於玄廬無返魂之香
招飛精於鬼錄此乃如來護念菩薩加持之力矣已得蒙其冥助
不得背其深期仗望被陛下之殊私為梵門之禪侶將使金魚
脫佩長褫紫服之粧銀駝伏櫪永罷繡衣之職陛下若遇臣厚

者思拾獲其保全若矜臣優者宜獎叙其封職不勝荒迷之至謹
拜表以聞 詔人康親王辭其官爵歸於釋侶宜准國康親王叙
其品封但本封舊并帳內資人准無品例充之人康親王者 仁
明天皇之第四子也兼和十五年正月叙四品拜上總太守仁壽
二年遷彈正尹齊衡四年兼常陸太守親王自少年時有歸大乘
道之意今謝病遂本懷係和泉國舊府神聖神比賣神等列於官
社 十日乙丑公卿就太政官曹司應任銓擬郡司策文云 天
皇我詔旨良萬宣大命乎衆聞食與宣今國乃郡司任賜人等
亦冠位上賜比治賜波久宣御命乎諸聞食與宣存問兼領渤海
客使大內記安倍朝臣清行加賀國司等奉進渤海國啓牒信物
王啓曰度晃啓益冬漸寒伏惟 天皇起居萬福即是度晃蒙恩
當國間年使永展先親之禮將累代之情悅續任風之影恒無隔
紀以至于今度晃幸美先緒撫守一邦古典攸憑合重禮意敢依

舊貫差付使程紀盈年久增結戀期海津於挂席表翰信於傳心
 仍發雲檣迥凌波浪凝萬里之遐想係寸心難往復之間伏望預
 恤恨以臣僕未由拜覲下情無任馳戀謹差政堂省左允馬考慎
 奉啓不宣謹啓中臺省牒曰牒奉處分扶桑崇浪日域遐邦欲古
 風而挂席期限歲而寄音泛々輕舟過凌雲之水奉々方寸弥增
 披霧之情所以擲年度日天轉律移想尋修之舊貫延周廻之星
 紀酌展親於古典遵繼好於前章馮事表情善隣寘禮戀懷轉切
 不待前期謹差政堂省左允馬考慎令覲貴國者准狀牒上十
 三日戊辰備前國獲白雀一而獻之十五日庚午下知山城國
 充贈正一位源朝臣潔姬墓守冢一户十七日壬申雷雨雹
 肥後國從四位下阿蘇比咩神列於官社十八日癸酉授陸奧
 國正五位上勳五等日高見乃神從四位下十九日甲戌從五
 位上相摸權介藤原朝臣恒雄為介從五位下行陸奧守坂上大

宿祢當道為兼常陸權介傳燈大法師位道詮奏言法隆寺東院
 是聖德太子所居堂宇舊存遺像是在年紀稍久破壞日加請以
 大和國平群郡水田七町四段施入彼院以充修理堂舍并忌日
 轉念功德料許之廿二日丁丑屈八十僧限以三日於東宮轉
 讀大般若經廿六日辛巳拱津國從五位下新屋坐天照神伴
 酒着神並授正五位下伊勢國從五位下負辨大神正五位下紀
 伊國正六位上堅真音神從五位上廿八日癸未授出雲國正
 三位勳七等熊野坐神正三位勳八等持筭神紀伊國從五位上
 熊野早玉神熊野坐神並從二位山城國從五位下大川原國津
 神有市國津神正六位上天照御門神並從五位上廿九日甲
 申大雨

日本三代實錄卷第二終

三代實錄卷二

二十一

日本三代實錄卷第三 起貞觀元年六月盡十二月

左大臣從二位兼行左近衛大將臣藤原朝臣時平等奉

勅撰

六月乙酉朔霖雨大水 二日丙戌正六位上秋置王秋雄王良
岡王三常王德成王無位廣貞王廣益王廣梁王山村王高隅王
清隅王十二人並賜姓清原真人一品舍人親王六代之孫也
四日戊子霖雨未霽賜京邑飢乏者 十一日乙未月次神今食
祭並於神祇官行事親王公卿參會所司供事如常 廿二日丙
午雷雨大風折木發屋 廿三日丁未賜渤海國王勅書曰天皇
敬問渤海國王書獻悉至披覽具之維王文武兼體忠孝由衷襲
當國之猷敦親王之舊好傾心久契無踈就自之誠利涉長期不
廢飛雲之嶮乃願深款何靡增懷先皇以去年八月昇遐遺詔不
許奔赴朕以寡德荷託鴻圖奉先訓而聿脩撰舊記以自恤雖則
會同之禮大喪無虧延正之朝春秋所美然而闕庭過密事須隔

於殷頰邦國頰灾人有難於郵傳緣此慰藉傳者迨朝放還問紀
如餘通情猶通今因孝慎付送信物仍舊辨裝色目如別契劇王
及所部平安好昆此遣書批無一二太政官送中臺省牒曰得中
臺省牒備奉處分扶桑宗浪日域遐邦欲古風而挂席期限歲而
寄音泛、輕舟罕過凌雲之水拳、方寸彌增披霧之情所以擲
年度日天轉律移想尋修之舊貫延周迴之星紀酌展親於古典
遵繼好於前章馮事表情善隣真禮戀懷轉切不待前期謹差政
堂省允允馬孝慎令觀貴國者准狀牒上日本國太政官者謹錄
牒上謹牒者滄瀛不測義在含弘江漢可宗禮存朝會駿奔惟遽
來不及期有司執平弗肯客待奉、勅孝慎等遙慕聲教凌蜃闕
而頻來尋懷順飯辭龍鄉以荐至忠節之効矜恤可量况魯侯再
朝春秋無貶唯國有免喪季屬荒侵將全舊儀何苦黎庶宜殊加
迎接權停入都所安存支賜准例復吉凶相問往迹可馮若意於

陽坐志
去此四
字上下
恐有闕
漏按出
雲國風
土記云
所造天
下大神
之御子
阿陀加

吊來事須拘遺於制徒煩舟楫將貶規更待紀盈當表隣好石
今因綸旨檢校如常修船畢功風朝可駕壘書信物同附使迴留
彼篤誠放其飯去今以狀牒、至准狀故牒東絕十五足綿四百
屯賜大使馬孝慎到貢土宜仍有此錫賚焉是日於東宮雅院始
修法限以十二日 廿五日己酉文章博士職田元給四町今加
二町 廿九日癸丑晦大祓於朱雀門前例也 秋七月甲寅朔
於右仗頭賜飲群臣 四日丁巳廣瀨龍田祭如常 五日戊午
大和國從五位下氣吹雷神從五位下響雷神並列官社 七日
庚申筑後國從四位下豐比咩神列於官社 十一日甲子出雲
國從五位下佐陀神無位陽坐志去日女命並授正五位下 十
三日丙寅大祓於建禮門前以明日將發奉諸神社幣并財宝使
也詔太政大臣祿法准左右大臣并停資人帶刀等緣太政大臣
抗表苦請也又諸國定額寺堂塔破壞佛經曝露三綱檀越無心

夜多伎志
比其命
疑陽坐
去日女
命阿陀
加夜琴
志多伎
吉日女
命也

修理項年水旱不時疫癘間發靜言其由恐緣彼咎宜下知五畿
內七道諸國修理部內諸寺堂塔其料充寺家田園地利若無田
園者勘錄支度帳言上從四位上行備前守藤原朝臣春津卒春
津者右大臣正二位緒嗣朝臣之第二子也春津風姿美嚴清警
寬雅天長初擢為左近衛將監七年遷皇太后宮大進明年授從
五位下兼近江權介數月授從五位上兼和元年遷為備中權守
久而為侍從九年進正五位下俄而拜為右馬頭十年春父左大
臣抗表致仕其第三表以春津為使奉進內裏 勅曰左近相藤
原朝臣緒嗣公先朝之元勳而朕之舊德也近功成名遂老既於
第朕以几杖禮優之不敷負公之故也右馬頭春津是公之孝子
侍授從四位下以慰目前嘉祥三年丁母憂解職未幾奪情起之
拜右兵衛督仁壽初遷刑部卿兼但馬守尋加從四位上齊衡四
年為但馬守遷備前守並不之官春津家世貴顯生而富實居處

閨庭甚為鮮華性寡嗜欲不貪財利唯馬是好時觀之里第養
闕不肯出仕帝戲語左右曰春津是南山之玄豹焉卒時年五十
二 十四日丁卯遣使諸社奉神宝幣帛叅議正四位下行九大
辨兼左衛門督美作守藤原朝臣氏宗為賀茂御祖別雷社使散
位從五位下正峯王為松尾社使正五位下守右中辨兼式部少
輔大枝朝臣音人為平野社使從五位下主殿權助藤原朝臣水
谷為大原野社使右兵衛佐從五位下源朝臣至為乙訓社使從
五位下守兵庫頭藤原朝臣四時為大神社使掃部頭從五位上
藤原朝臣貞敏為石上社使從四位下行兵部大輔藤原朝臣仲
統為春日社使從五位下守圖書頭當麻真人清雄為當麻社使
中務少輔從五位下源朝臣包為住吉社使散位從五位下丹墀
真人繩主為丹墀社使少納言兼侍從從五位下良峯朝臣經世
為社本社使神祇大祐正六位上大中臣朝臣豐雄為氣比氣多

兩社使散位從五位下紀朝臣宗守為日前國懸兩社使授平野正三位今木神從一位從四位上久度神古閑神並從三位正五位下合殿比咩神從四位下十九日壬申雷雨震內教坊柿樹廿一日甲戌存問兼領渤海客使直講前田安雄復命奏言客徒今月六日解纜返蕃大內記安倍清行去四月丁亥憂去職故安雄獨返奏事依諒闇不喚客徒自加賀國還蕃焉廿三日丙子以從五位上守右少辨兼行中宮亮藤原朝臣家宗為修理東大寺大佛長官廿七日庚辰地震廿八日辛巳河內國言禾兩歧是月雅院櫻樹華京中李樹皆華八月甲申朔新鑄印一面賜美作國以國司申請舊印文字鈿減不堪行用也三日丙戌大雨遣從五位下行備後權介藤原朝臣山蔭外從五位下行陰陽權助兼陰陽博士滋岳朝臣川人等於大和國吉野郡高山令修祭禮董仲舒祭法云螟螣賊害五穀之時於害食之州縣內

清淨處解之攘之故用此法前年命陰陽寮於城北船岳修此祭今亦於此修之蓋擇清淨之處四日丁亥下野國言木連理七日庚寅屈請六十僧於東宮轉讀大般若經限以三日八日辛卯地震勅五畿七道諸國年貢御鷹一切停止九日壬辰自五月至今月霖雨仍遣使者於大和國丹生河上雨師社奉幣青馬等祈以止雨也十日癸巳尚侍從三位當麻真人浦虫薨時年八十浦虫者右京人也又正六位上繼麻呂浦虫弘仁七年任典殿十三年授從五位下未幾遷為掌侍十四年授從五位上天長五年授正五位下為典侍九年授從四位下兼和八年授從四位上嘉祥三年授正四位下後年授從三位天安元年任尚侍浦虫為人貞和早標美譽未嘗適於人遂不知仇讎之道自掌官人之職能脩禁內之禮式十二日乙未大風雨交接京師人居被風壞者多十三日丙申授和泉國從五位下聖神從四位下

無位舊府神正五位下比賣神從五位上河内國無位飛鳥戶神
 正四位下正六位上若倭彥命若倭姬命並從五位下禁畿内畿
 外諸國司養鷹馬鷄 十六日己亥右京人散位從五位下高向朝
 臣公輔元名素田麻呂而叙位告身注名公輔依公輔申請除籍
 帳桑田麻呂字 十七日庚子上野國正六位上倭文神列於官
 社 廿日癸卯授上野國正六位上倭文神從五位下 廿一日
 甲辰皇太后屈請六十僧於雙丘寺限五箇日講法華經奉為田
 邑天皇修周忌之齋也群臣百寮皆悉參會 廿五日戊申出雲
 國倂囚正六位上吉祢侯黃海叙從五位下 廿七日庚戌於雙
 丘寺修田邑天皇周忌御齋會親王公卿參集式部省點檢五位
 已上見系者 廿八日辛亥依十禪師傳燈大法師位惠亮表請
 始置延曆寺分度者二人其一人為神賀神可試大安樂經加試
 法華經金光明經一人為春日神可試維摩詰所說經加試法華

經金光明經表曰惠亮言皇覺導物且實且權大士垂迹或王或
 神故聖王治國必賴神明之冥助神道剪累只憑調御之慧又伏
 惟金輪陛下乘六牙而降神逮九歲而登九五受佛付囑轉大法
 輪法門餘慶還在乎今款可謂維摩不二之典盛演佛境不思之
 氣高貴四德之教寬談佛性常住之旨並斯如來護國利人之門
 不可一度者也是以惠亮等以去嘉祥三年八月五日 陛下在
 東宮日經啓所願已畢項年殊垂恩感每降誕日且慶于八年伏
 冀天慈幸降息勅不改素願永歲三月下旬於比叡山西塔宝幢
 院將試度之然後准弘仁十四年官符令受天戒其受戒之後依
 先師式十二年不出山門一日不闕長講件經利益名神奉護聖
 朝惠亮等師資相兼此佛業盡未來際擁護國家祖件人等得業
 以後僧中諸事准天台真言等宗一同用之然則開闢以來仙靈
 覺性而遊妙覺我朝以後聖王進醍醐而保常樂非只諸神歲々

增威亦乃群生日、長福持茲大善集我皇朝伏願長御紫宸大
敷玄德壽固郡岳息深四瀆次則資薰田邑聖靈四流高謝五
智圓頭龍天順風雨之期率土樂昇平之化然後暨窮三界橫被
四生永謝迷津起昇覺道 廿九日壬子大掖於朱雀門前以心
喪禮畢始從常儀也 九月癸丑朔 三日乙卯停御燈潔齋以
有大嘗會 四日丙辰分頭遣使奉幣賀茂御祖別雷松尾貴布
祢乙訓稻荷等神社止霖雨也 五日丁巳左京人散位從五位
上高原王賜姓三原朝臣高原一品新田部親王之後也 八日
庚申山城國月讀神木嶋神羽束志神水主神捧井神和岐神大
和國大和神石上神大神神一言主神片岡神廣瀨神龍田神巨
勢山口神葛木水分神賀茂山口神當麻山口神大坂山口神膽
駒山口神石村山口神耳成山口神養父山口神都祁山口神都
祁水分神長谷山口神忍坂山口神宇陀水分神飛鳥神飛鳥山

口神畝火山口神吉野山口神吉野水分神丹生川上神河內國
枚岡神息智神和泉國大鳥神攝津國住吉神大依羅神難波大
社神廣田神生田神長田神新屋神垂水神名次神等遣使奉幣
為風雨祈焉 九日辛酉停重陽節以先帝忌景近也於右仗頭
賜菊酒群臣次侍從及非侍從堪言詩者外記史內記預焉酣暢
之後賦重陽菊酒詩錄見在坐者奏之後日賜綿有差此日大風
暴雨發屋折木 十日壬戌大掖於朱雀門前為行大嘗會事也
依式八月上旬可行而以諒闇之內延及于今日遣使奉幣於伊
勢大神宮 十四日丙寅地震 十八日庚午大風雷大接 廿
一日癸酉任大嘗會襖裝束及鹵簿次第等司正三位行中納言
源朝臣弘為裝束司長司從五位上守右少辨兼中宮亮藤原朝
臣家宗為次官左大史正六位上菅野朝臣高松大內記高階真
人管根並為判官主典二人正三位行中納言橋朝臣岑繼為前

次第司長官中務少輔從五位下源朝臣包為次官中務大丞正六位上藤原朝臣善枝式部大丞紀朝臣春常並為判官主典二人參議正四位下行左兵衛督兼伊勢守源朝臣多為從次第司長官兵部少輔從五位下源朝臣直為次官中務少丞正六位下藤原朝臣忠基兵部少丞正七位下安倍朝臣高貞為判官主典二人 廿日壬午兩大板於八省院東廊為大嘗會近也依雨行事故用東廊 冬十月癸未朔日有蝕之 二日甲申於右仗頭賜飲親王已下次侍從已上錄見在坐者奏之賜祿有差 五日丁亥卜定恬子內親王為伊勢齊儀子內親王為賀茂齊 七日己丑畿內畿外諸國遣使班幣於天神地祇去九月祈無風雨之實誠有感激歲以有年仍賽之武藏國從五位下磐井神列於官社 十二日甲午大板於朱雀門前以定伊勢賀茂齊內親王也 十五日丁酉天東南有異雲中有赤色如電光激是日夜神祇

官於羅城門前修祭事為大嘗會祭故也 廿一日癸卯為來月將奉大嘗會行幸鴨水修禊事例也 廿三日乙巳尚侍從三位廣井女王薨廣井者二品長親王之後也曾祖二世從四位上長田王祖從五位上廣川王父從五位上雄河王廣井天長八年授從五位下任尚膳嘉祥三年授從四位上任權典侍仁壽四年授從三位天安三年轉尚侍薨時八十有餘廣井少修德操舉動有禮以能歌見稱特善催馬樂諸大夫及少年及好事者多就而習之焉至于殂沒時人悼之 廿八日庚戌遣散位從五位上並山王於伊勢太神宮告以定齊內親王也上野國獻嘉禾一莖三十穗兩岐稻一莖九穗是日鑄錢司進鑄錢奉諸名神社并諸山陵及頒賜親王已下各有差 廿九日辛亥晦地震 十一月壬子朔陰陽寮奉進明年御曆等頒曆 帝不御前殿村內侍奏 七日戊午授讚岐國正六位上城山神從五位下大藏少輔從五位

下御長真人近人為參河守 九日庚申平野春日神祭如常
 十日辛酉梅宮神祭如常 十二日癸亥地震 十三日甲子大
 原野神祭如常 十四日乙丑園韓兩神祭如常 十五日丙寅
 於神祇官修鎮魂祭 十六日丁卯車駕幸朝堂院齊殿親奉大
 掌祭 十七日戊辰未鷄鳴大掌會祭禮既訖 天皇幸豐樂院
 御悠紀帳賜宴群臣悠紀國獻物移御主基帳群臣移就主基座
 悠紀國奏風俗歌舞日暮以悠紀國所獻衣被賜親王已下五位
 已上諸有雜急及内外官未得解由者皆預焉是夜 天皇留御
 豐樂殿後房文武百官侍宿親王已下參議已上侍御在所琴歌
 神宴終夜歡樂賜御衣 十八日己巳天皇御悠紀帳賜宴群臣
 主基國獻物移御主基帳群臣移座及主基國奏風俗歌舞賜主
 基國所獻衣被一如昨儀是夜 天皇留御親王已下百官侍宿
 亦如昨 十九日庚午撤去悠紀主基兩帳 天皇御豐樂殿廣

兼備中
 守源朝
 臣正
 三位
 參
 議
 正
 四位
 下
 行
 兼左
 兼右

廂宴百官多治氏奏由舞伴佐伯兩氏久米舞安部氏吉志舞內
 舍人倭舞入夜奏五節並如舊儀宴竟賜綃綿各有差諸司官人
 五位已上有雜急及諸國就事入京并新除外吏過裝束程未向
 任之輩皆預之但未得解由者不在預限詔曰 天
 皇我大命良萬 勅大命乎諸聞給止宣悠紀主基亦仕奉流二國
 乃國司等日夜無急事又務給勤之仕奉依天治賜不又仕
 奉人等中亦其仕奉狀乃隨治賜人毛在又御意乃愛盛亦治賜
 人毛一二在故是以冠位上賜治賜止詔 天皇大命乎衆聞
 食止宣進右大臣從二位兼行左近衛大將藤原朝臣良相階如
 正二位參議從三位行右衛門督美作守藤原朝臣氏宗正三位
 彈正大弼從四位下茂世王從四位上無位棟良王從四位下散
 位從五位下磯江王從五位上無位久繼王從五位下從四位下
 行攝津守滋野朝臣貞雄從四位上民部大輔正五位下豐前王

從四位下內藏頭從五位上兼行神祇大副中臣朝臣逸志內藥
 正兼侍醫參河權介物部朝臣廣泉肥後守藤原朝臣冬緒紀伊
 守在原朝臣善淵正五位下參河守從五位下御長真人近人散
 位大中臣朝臣相雄小野朝臣恒柯美作介大中臣朝臣真主左
 馬頭兼行信濃介藤原朝臣秀道備前守源朝臣穎侍從源朝臣
 同縫殿頭伴宿祢須賀雄右兵衛佐源朝臣至散位和氣朝臣範
 圖書頭麻真人清雄權大外記兼上野權介滋野朝臣安成左衛
 門權佐藤原朝臣廣基陸奧守兼行常陸權介坂上大宿祢當道
 並從五位上外從五位下大和權介蕃良朝臣豐持參河介壹志
 宿祢吉野明法博士讚岐朝臣永直尾張介管野朝臣弟門陰陽
 權助兼陰陽博士滋岳朝臣川人大學助御船宿祢佐世散位高
 橋朝臣文室麻呂正六位上源朝臣撰源朝臣治左衛門大尉藤
 原朝臣國經橋朝臣子善藤原朝臣貞庭式部大兼藤原朝臣安

棟右衛門少尉文室朝臣卷雄右兵衛權大尉文室朝臣能雄散
 位藤原朝臣岑人橋朝臣忠宗木工權助笠朝臣弘興大內記高
 階真人管棟右近衛將監兼美作權大掾紀朝臣正守丹波權掾
 百濟王俊聰散位笠朝臣高人內藏少允丹墀真人石臣主殿允
 車持朝臣廣真並從五位下左大史正六位上管野朝臣高松少
 外記秦宿祢安雄主計助飛鳥戶造豐宗中宮少進長統朝臣三
 助左近衛將監神門臣氏成右近衛將監多臣自然麻呂參河權
 掾大原宿祢麻呂美作掾佐伯直豐麻呂並外從五位下日暮車
 駕還宮 廿日辛未詔曰
 天皇我大命止良萬勅大命乎衆聞給止宣神祇官人等乎始天大
 掌會介參出來天仕奉流悠紀主基二國乃國司郡司百姓及司
 司人毛止番士已上御物賜布又悠紀主基兩國乃主典與以下
 國醫師尔至職及諸郡司主帳已上乃把笏者尔位一階上賜治

賜布又悠紀國乃今年庸物主基國乃今年田租免賜布兩國乃
 卜相郡司_波特御物賜_波壹神祇伯大副及二國齊部少領已上
 加賜馬各一疋授正四位下源朝臣全姬從三位無位為子女王
 意子女王異子女王並從四位下從四位下伴宿祢友子從四位
 上無位源朝臣盈姬從四位下從五位上菅原朝臣閑子甘南備
 真人伊勢子並正五位下從五位下田口朝臣館子菅原朝臣勢
 子並從五位上外從五位下賀陽朝臣始子無位源朝臣高子橋
 朝臣常子藤原朝臣繼子藤原朝臣商子藤原朝臣榮善子百濟
 王香春笠朝臣遠子並從五位上從六位上江沼臣河子從五位
 下 廿三日甲戌大雨雪 廿九日庚辰雪未止 卅日辛巳大
 夜於朱雀門前大嘗祭解齋也 十二月壬午朔 十一日壬辰
 月次祭神今食祭如常 十四日乙未授信濃國無位守遠神從
 五位下淡路國正六位上湊口神從五位下十八日己亥延屈六

十僧於東宮限以三日轉讀大般若經并修佛名懺悔 廿一日
 壬寅正三位行中納言兼右近衛大將源朝臣定正三位行中納
 言源朝臣弘並為大納言右近衛大將如故從四位上守大藏卿
 兼行回幡守清原真人岑成為參議正五位下守右中辨兼行式
 部少輔大江朝臣音人為權左中辨式部少輔如故正五位下行
 肥後守藤原朝臣冬緒為右中辨參議正三位行皇太后宮大夫
 兼伊豫權守伴宿祢善男為民部卿餘官如故正五位下行紀伊
 守在原朝臣善淵為大和守散位從五位下佐伯宿祢子房為武
 藏權介從五位下藤原朝臣貞庭為上總介遠江守從五位下藤
 原朝臣真冬為常陸介正三位行權中納言平朝臣商棟加陸與
 出羽按察使參議左大辨從四位上兼行左近衛中將勘解由長
 官近江權守藤原朝臣良繩為備前守左大辨近衛中將勘解由
 長官並如故散位從五位下文室直人益善為紀伊守 廿二日

癸卯從四位上行攝津守滋野朝臣貞雄卒貞雄者右京人也父從五位上家譯延曆十七年改伊蘇志臣賜滋野宿祢弘仁十四年改宿祢賜朝臣貞雄是家譯之第三子也身長六尺餘雅有儀自幼遊大學頗聞詞賦弘仁七年為主殿少屬累遷掃部權允右衛門少尉嵯峨天皇徵貞雄延侍恩寵稍密自右衛門少尉遷掃部助兼左近衛將監天長四年授從五位下除備前權介承和五年改權為正其年授從五位上拜少納言兼侍從十二年出為丹波守加正五位下嘉祥三年授從四位下拜但馬權守天安二年為攝津守貞觀元年進從四位上女從五位上岑子文德天皇納之誕二皇子二皇女並賜姓源朝臣貞雄職歷數國殊迹無聞為性仁愛與物無競焉卒時六十五 廿五日丙午伊勢齊恬子內親王於鴨水邊六條坊門末修禊賀茂齊儀子內親王於同水邊待賢門末修禊並入初齋院 廿七日戊申大臣奉勅於建禮

門前行荷前幣之事太政官論奏言前越後守從五位上伴宿祢龍男令從者公弥侯廣野等毆殺書生物部稻吉前者稻吉向太政官告訴守龍男犯用官物故殺之狀下刑部省令斷龍男罪省稱會恩赦直從放免前豐後守從五位下石川朝臣宗繼寬奪百姓財物介外從五位下山口宿祢稻床等證之下刑部省省妄引赦書擅從原免前左馬權少允正六位上清岑朝臣田繼少允從六位上紀朝臣令名少屬正六位上安倍朝臣有之從六位上麻績部清道史生從六位上田邊史宅主騎士余廣主思智貞吉等以私馬換官馬省亦無所考訊皆以赦免刑部大丞正六位上藤原朝臣飽永少錄從七位下秦忌寸秋野前少輔從五位上源朝臣穎大錄從七位上布瑠宿祢道永等從大丞丹墀貞經言放出罪人前日向守從五位下嗣岑王謀殺詔使正五位下田口朝臣房富等須詳加覆案者也 帝特降優詔曰龍男宗繼及左馬寮

官人等所犯年遷時變人物改易飽永等罪成自真慈情有可矜
宜申優曲並從原宥但刑部大丞正六位上兼中判事丹墀真人
真慈確執非法故縱罪人仍官當解任嗣岑王依先斷官當免爵
廿日辛亥大板於朱雀門前并大儼如常儀

日本三代實錄第三

日本三代實錄卷第四 起貞觀二年正月盡十二月

左大臣從二位兼行左近衛大將藤原朝臣時平奉

勅撰

二年春正月壬子朔 天皇不受歲賀兩也御前殿賜宴侍臣賜
御被所司各奉職奏七曜曆藏冰厚薄腹赤魚舉音樂並如舊儀
于時 天皇御東宮是日廢朝賀故宴於前殿 四日乙卯所司
獻剛卯杖天皇不御前殿付內侍奏 七日戊午車駕幸豐樂院
觀覽青馬賜宴奏樂賜祿如舊儀 八日己未於大極殿始講最
勝王經如常以藥師寺僧花嚴宗傳燈大法師位明哲為講師
十四日乙丑大極殿齋講畢僧綱引名僧奉茶御在所論義施被
如常 十六日丁卯踏歌之節天皇御前殿賜宴奏樂踏歌如常
儀是日以叅議正三位民部卿兼皇太后宮大夫伊豫權守伴宿
祢善男為中納言民部卿皇太后宮大夫如故從四位上行伊豫
守奉澄朝臣善繩為叅議散位從五位上小野朝臣千株為內近

頭從五位下行上總介藤原朝臣貞庭為大藏少輔散位正五位
下弘宗王為左京大夫從五位下行駿河介坂上大宿祢瀧守為
山城介左京大夫從四位下紀朝臣今守為攝津守圖書頭從五
位上當麻真人清雄為伊賀守外從五位下行音博士上毛野朝
臣永世為尾張介從五位下行大內記高階真人管根為遠江守外
從五位下行侍醫興道宿祢名繼為駿河介侍醫如故散位從五
位下佐伯宿祢真利為甲斐守從五位上平朝臣春香為武藏介
從五位下和氣朝臣春生為上總權介從五位下藤原朝臣大野
為介叅議正三位行右衛門督源朝臣融為近江守右衛門督如
故從五位下守左近衛少將兼行上總權介藤原朝臣良尚為權
介少將如故二品行彈正尹賀陽親王為常陸太守彈正尹如故
二品行兵部卿忠良親王為上野太守兵部卿如故散位從五位
下橋朝臣信蔭為出羽守從五位下豐任朝臣永貞為若狹守從

四位上清原真人長田為加賀守從五位下行造酒正伊瀧宿祢
福代為介左京亮從五位下清原真人真貞為越後守散位從五
位下藤原朝臣興世為祖馬介左近衛少將正五位下良岑朝臣
清風為播磨權介少將如故從五位下行備中介朝野朝臣貞吉
為守散位從五位下內藏朝臣高守為介從五位下藤原朝臣貞
高為讚岐介叅議從四位上守大藏卿兼行回幡守清原真人岑
成為太宰大貳散位從五位下藤原朝臣真數為少貳右近衛中
將從四位下源朝臣興為筑前守興去年正月兼筑前守母憂去
職今以本官赴之從五位上行太宰少貳小野朝臣貞樹為肥後
守外從五位下行少外記秦宿祢安雄為豐後介散位從五位下
藤原朝臣雄瀧為日向守 十七日戊辰天皇幸豐樂院觀射禮
十八日己巳車駕幸豐樂院觀賭射左右近衛少將侍帝坐東
西曹中不如舊儀九御豐樂殿覽賭射之時左右近衛少將各一

神名帳
有
神
神
神

人相分昇待帝高御座東西書諸人射的中不他皆効此廿一日壬申天皇內宴近臣如常儀九每年正月廿一日天子內宴於近臣喚文人賦詩預席者不過四五人內教坊奏女樂親王公卿及文人殿上六位已上賜綿各有差他皆効此廿七日戊寅詔越前國氣比神宮寺置十僧為定額隨闕補之授遠江國從四位下敬滿神正四位下正五位下菊原河內小國神從五位下鹿苑神並授從四位下從五位上矢奈賣神真知乃神並正五位上美作國正五位下仲山神從四位下散位外從五位下大秦公宿祢此雄為出雲介二月壬午朔三日甲申春日祭如常四日乙酉祈年祭如常五日丙戌信濃國正六位上馬皆神武別神妻科地神無位駒弓神出速神並授從五位下六日丁亥釋奠如常直講從六位下菊田音安雄講毛詩文人賦詩八日己丑進肥前國從四位下田嶋神階加從四位上授從五位上荒孫德天神

正五位下從五位下豫等比咩大神久治國神天山神志伎神溫泉神並從五位上正六位上金立神從五位下十日辛卯大原野祭如常從五位上行大學博士春日朝臣雄繼以孝經奉授天皇正五位上行大學頭豐階真人安人為都講正五位下守權左中辨兼行式部少輔大枝朝臣音人正五位下守右中辨藤原朝臣冬緒等預席十一日壬辰公卿於太政官曹司廳列見文武官成選之人正五位下良岑朝臣親子從五位下藤原朝臣有子並進階級加從四位下授從五位下藤原朝臣宜子正五位下無位水取連夏子從五位下正六位上和久勝清子外從五位下從三位源朝臣姬為尚侍十四日乙未請六十僧於東宮限三箇日轉讀大般若經散位從五位下正岑王為大監物從五位下橋朝臣岑範為圖書頭彈正少弼從五位下平朝臣實雄為式部權少輔二品行彈正尹兼常陸太守賀陽親王為治部卿常陸太

守如故防葛野河使散位從五位下佐伯宿祢真持為玄蕃頭散位從五位下藤原朝臣緒數為諸陵頭從五位上安倍朝臣真行為刑部大輔治部卿正四位下源朝臣生為大藏卿外從五位下行侍醫兼駿河介興道宿祢名繼為鑿博士餘官如故散位外從五位下春道宿祢永藏為造酒正四品行上總太守本康親王為彈正尹上總太守如故散位從五位下藤原朝臣安棟為少弼從五位下藤原朝臣大野為左京亮大監物從五位下安倍朝臣有道為右京亮正五位下行內藥正兼侍醫參河權介物部朝臣廣泉為參河權守內藥正侍醫如故散位從五位下和氣朝臣春生為遠江權介從五位下伴宿祢龍男為上總介鎮守府將軍從五位下坂上大宿祢高道為權介散位外從五位下神門臣氏成為下總介從五位上豐井王為祖馬權守左馬頭從五位上清原真人秋雄為介左馬頭如故散位從五位下藤原朝臣興世為目幡

守從五位下小野朝臣春枝為鎮守府將軍 廿五日丙午僧正傳燈大法師位真濟卒真濟俗姓紀朝臣左京人也祖正五位下由長父巡察彈正正六位上御園真濟少年出家學大乘道兼通外傳夙有職悟從大僧都空海受真言教大師海公鑿其器量特加提誘遂授兩部大法為傳法阿闍梨真濟時年二十五時人奇之真濟入愛當護山高尾峯不出十二年嵯峨天皇聞其苦行為內供奉十禪師兼和之初遣使聘唐真濟奉朝命隨使渡海中途漂蕩船舶破裂真濟終駕一筏隨波去泣然不知所到凡在海上廿三日其同乘者三十餘人皆悉餓死所活者真濟與弟子真然二人而已真濟唯是念自然不飢豈非如來冥護之所致哉南嶋人遙望海中每夜有光恠而尋之極得着岸皮膚腐爛尸居不動島人憐愍而養療遂得歸本朝仁明天皇擢為權律師文德天皇甚見尊重為權少僧都未幾轉權大僧都少頃為僧正於是真

濟抗表請以僧正位讓先師空海中心懇切至于再三天皇感徹
賜空海法師以大僧正位緇徒榮之真濟表請建五重宝塔於高
尾峯神護寺造五大虛空藏菩薩像安置塔中置七口僧及度年
分三人春秋二季永設法會轉讀虛空藏十輪等經以鎮護國家
也守其遺跡至今修之天安二年八月文德天皇寢病真濟侍看
病於冷然院大漸之夕時論嗽真濟失志隱居遷化時年六十
一 廿八日己酉授備後國正六位上大藏神神田神並從五位
下 廿九日庚戌晦雷雨晦合 三月辛亥朔近江國建部神列
於官社 二日壬子割阿波國美馬郡置三好郡 三日癸丑御
燈齋潔如常 七日丁巳詔以武藏國正稅穀四百斛上野國二
百斛賜傳燈大法師位圓仁於彼國應寒宿禱故有此賚 廿日
庚午從五位上行參河守御長真人近人為越後守散位從五位
上並山王為紀伊守從五位上行紀伊守文室真人益善為豐前

守薩摩國從五位上閑闡神加從四位下從五位下志奈毛神白
羽火雷神智賀尾神賀紫久利神鹿兒島神並授從五位上正六
位上伊介色神從五位下 廿五日乙亥時有勅免除太政官厨
借大藏省錢七百四十四貫絹六十九疋綿八萬四千三百三十
屯絲一千八百斤調布一萬三千六百端高布一萬九千八百二
十六段鐵一百廷公卿已下辨大夫已上於左仗頭拜賀舞蹈
廿九日己卯迅雷暴雨右京一條三坊地壹町賜從五位上小野
朝臣千株從五位下藤原朝臣良繩等 夏四月辛巳朔帝御南
殿賜宴侍臣次侍從被召侍右仗下左右近衛府迺奏音樂日暮
酒酣親王公卿促席御前各奏絲竹笙歌起舞非侍從及外吏五
位未得放還并外記史內記六府將監尉以下門部以上預見奏
者賜祿各有差忒議以上別加賜御衣夜分之後盡歡而罷是日
詔以從五位上藤原朝臣廣基從五位下源朝臣有為次侍從

四日甲申平野廣瀨龍田等祭如常 五日乙酉梅宮祭如常
六日丙戌殞霜殺草 八日戊子內殿灌佛如常詔東大寺大毘
盧遮那佛會事惣聽修理大佛檢校修行傳燈賢大法師真如處
置又詔二品治部卿賀陽親王大納言正三位源朝臣弘正三位
行中納言兼民部卿皇太后宮大夫伴宿祢善男等勾當供養大
佛會事 十一日辛卯迎聽起外記候廳前旋轉西行小虫無萬
數飛散其中是日詔准據承和仁壽舊跡新錢三萬賜待從尉
十五日乙未六府警固緣賀茂祭也 十七日丁酉賀茂祭如常
齊內親王未入野宮故不向社 十八日戊戌諸衛解嚴 十九
日己亥詔五畿七道諸國令境內僧尼誦佛頂尊勝陀羅尼日滿
廿一遍每至年終具錄言上自今以後永為歲事以為國祈也
廿二日壬寅地震 廿四日甲辰從五位下藤原朝臣禹能授從
四位下無位藤原朝臣度茂子從五位下 廿五日乙巳皇太后

遷自右大臣西京第御東五條宮授從五位上行右近衛權少將
兼周防權守藤原朝臣常行正五位下常行右大臣之第一男也
新鑄印一面賜尾張國 廿九日己酉晦設齋會講仁王經起自
京師爰及諸國惣百高座焉咒願文曰實知玄宗仁王般若大乘
滿字護國秘藏波斯匿王對揚之主無上世尊演說之師文言超
卓理致幽深辨明五忍發揮二諦道濟群品不宰其功化惣萬流
莫知其用防災効福寂是昭彰司契握袞誰不崇重聖皇出震景
命惟新漢昭謝明周成慙德亭毒無私財成不測慈覃鳥獸恩遍
遐荒雲之油油穀之萃萃應物開務治酌舊章隨時施教因循故
實執徐之年中呂之月講期卜日法會擇辰始自朝廷泊于海內
預徹熏羶先禁漁獵三十一處設席京城六十九所肆筵都外飾
茲白座竟以二時哲近吼說聽者填噎魚山咀暢牛檀香披散花
如雨懸幡搖風大哉勝事咸矣善功十方三寶願有感通一切諸

聖願為隨喜護持寶位泰山之安珍衛仙齡劫石之固玉鏡宣輝
 金輪穆化乾坤交泰家國富饒梵釋四王增益威光龍神八部加
 添勢力天宇棟梁王室股肱叶贊困窮帶礪不渝中外和平妖孽
 不生俗此結繩人欽擊壤先是二月十六日任行事司大納言正
 三位源朝臣弘正三位行中納言兼民部卿皇太后官大夫伴宿
 祢善男參議從三位行左大辨兼左衛門督美作守藤原朝臣氏
 宗右大辨從四位上兼行左近衛中將備前守藤原朝臣良繩正
 五位下守權左中辨兼行式部少輔大枝朝臣音人修理東大寺
 大佛使長官從五位上守右少辨兼行中官亮藤原朝臣家宗大
 外記正六位上多米宿祢弟益正六位上行左少史讚岐朝臣時
 雄正六位上行右少史志紀宿祢氏經等是也 五月庚戌朔屈
 請六十僧於東宮御在所讀大般若經限三日訖 五日甲寅地
 震雷電雨雹帝不御武德殿停端午之節駿河國言富士山上五

色雲見 十一日庚申天皇及皇太夫人以米六百斛塩三十二
 斛糶子一千五百枚楨飯四十合筍飯五百合裹飯一萬六千九
 百六十枚海藻三萬三千三百三十斤新錢一十二萬五千文施
 僧尼優婆塞優婆夷及隱居飢窮之輩二萬九千六百七十四人
 以助修淳和太后齊會也先是淳和太后於院裏設齊會限以五
 日講法華經是日齊講竟矣 十八日丁卯地震雷雨雹散位從
 五位上小野朝臣恒柯卒恒柯者右京人也祖征夷副將軍從五
 位下永見父出羽守正五位下瀧雄恒柯少好學頗有文情尤善
 草隸兼和二年為少內記兼美作掾大內記如故八年遷式部大
 承十一年授從五位下出為太宰少貳仁壽三年拜右少辨明年
 為播磨守治貴簡要政不開明貞觀元年授從五位上恒柯情無
 矯飾舉必任真但性矜夸傲於人物書迹妙冠絕當時世之習其
 業者皆取措摸適得尺牘莫不愛奇焉卒時年五十二 廿日己

已讚岐國從五位下雲氣神列於官社 廿三日壬申尾張國人
從六位上笛吹部高繼復本姓物部屋形 廿六日乙亥於太政
官曹司廳任諸國銓擬郡司是日請廿僧於東宮比殿修息災法
限以三日 廿八日丁丑從四位下童子女王復本名重子授位
告身誤注童子今有投訴因而許之 廿九日戊寅進越中國鷄
坂神階加從四位下從五位上日置神授從五位上 六月庚辰
朔 三日自五月霖雨至是大水五日甲申散位從五下藤原朝
臣秋緒為大監物從四位下行播磨守在原朝臣行平為內近頭
散位從五位下藤原朝臣廣守為諸陵頭從五位上文室朝臣笠
科為刑部大輔從五位上橘朝臣伴雄為宮內大輔從五位上守
刑部大輔安倍朝臣貞行為攝津守內近頭從五位上小野朝臣
千株為播磨守 九日戊子能登國大穴持神宿那彥神像石神
二前並列於官社 十一日庚寅於神祇官修月次祭帝不御神

嘉殿便於神祇官修神今食祭 十四日癸巳攝津四天王寺上
言毘沙門像手持刀及塔形等物擲壇下遣使看修法謝恠異也
前文章得業生正八位下味酒首大雄加叙三階以對策及第也
十五日甲午授後院無位隼神從五位下 十六日乙未分遣
使者近京諸寺修轉念功德緣御體平和也 十七日丙申地震
廿二日辛丑地亦震 廿三日壬寅皇太后宮職水田九町在
美作國英多郡今相轉勝田郡公田以英多郡地狹田少給民口
分常煩不足故也 廿五日甲辰地震 廿九日戊申土佐國播
多郡地一十町賜施藥院大祓於朱雀門前如常 秋七月乙酉
朔 四日壬子廣瀨龍田祭如常 十日戊午進河內國從三位
弥加布都命神比古佐自布都命神階並加從二位 十四日壬
戌地震 十七日乙丑地震 廿一日己巳大風暴雨 廿四日
壬申地震夜有流星出自東北入於西南光照地 廿五日癸酉

請六十僧於東宮轉讀大般若經限三日訖 八月戊寅朔二
日巳卯越前國正六位上廣湍雄推神並授從五位下 五日壬
午授無位藤原朝臣濟子從五位上中宮太夫從四位下藤原朝
臣良仁卒良仁者贈太政大臣正一位冬嗣朝臣之第七子也母
島田氏從五位下清田之姉美姿儀風神警亮少遊大學讀書忘
疲文德天皇在儲承和十年徵為藏人俄除主藏正遷為春宮大
進十三年授從五位下轉亮授從五位上嘉祥三年四月文德天
皇踐祚之初加叙正五位下遷中宮亮兼右兵衛權佐後拜右馬
頭中宮亮如故四年授從四位下累遷兼右近衛中將大舍人頭
木工頭左京大夫遷轉教官猶帶中宮亮天安元年左遷越前權
守遷兵部大輔未幾遷中宮太夫良仁淡雅歸懷釋教門地高華
甚為潔清服飾之美寂寃鮮明所好唯馬退公之後每為愛玩性
至孝奄丁母憂哀啼哭泣歐血絕氣縱時乃蕪不勝悲慟服中病

卒時四十二 六日癸未皇太后自七月晦御體不豫至此加惱
度廿人出家禱平復也 十日丁亥釋奠外從五位下行助教布
瑠宿祢清野講尚書文章生等賦詩如常 十一日戊子明經博
士等參詣東宮不召御前賜祿而罷 十四日辛卯參河國獻銅
鐸一高三尺四寸徑一尺四寸於渥美郡村松山中獲之或曰是
阿育王之寶鐸也 十五日壬辰任伊勢齋內親王行禪前後次
弟司以掃部頭從五位上藤原朝臣負敏為前次第司長官式部
大丞正六位上紀朝臣良舟為判官大錄正六位下善道朝臣繼
根為主典從五位上行兵部少輔源朝臣忠為後次第司長官大
丞正六位上藤原朝臣保則為判官大錄從六位下榎原忌寸金
吉為主典 廿四日辛丑大掖於建禮門前為明日伊勢齋內親
王將行禊也 廿五日壬寅伊勢齋恬子內親王臨鴨水大修禊
事即日入野宮 廿六日癸卯授左近衛少將正五位下兼行伊

豫介藤原朝臣良世從四位下為中宮大夫正五位下行大和守
在原朝臣善淵為內近頭從四位下行內近頭在原朝臣行平為
左京大夫正五位下守左京大夫弘宗王為大和守彈正少弼從
五位下藤原朝臣安棟為參河守散位從五位下藤原朝臣萬枝
為相摸介右近衛權少將正五位下兼行周防權守藤原朝臣常
行為少將周防權守如故從五位下行備後權介藤原朝臣山蔭
為右近衛少將備後權介如故 廿七日甲辰文德天皇因忌始
修西寺仍所司廢務夜有流星出自南方入於西北光照地夜偷
兒開神祇官西院齋戶神殿盜取三所齋戶衣并主上結御免結
等 廿日丁未雨水 九月戊申朔 二日己酉右京人從八位
上中臣朝臣福成賜姓惟岳宿祢還附右京九條先是福成披訴
去齋衛三年中臣氏人稱非同族申官削籍厥後福成忽焉失姓
請賜件姓被贊右京許之 三日庚戌天皇御齋燒燈如常 七

日甲寅地震 九日丙辰停重陽節於右仗頭賜葡萄酒群臣次侍
從及諸司官人舊為文章生并文章生等被召侍坐錄見在坐者
奏之後日賜大藏省綿各有差 十一日戊午遣大舍人頭從五
位上島江王神祇大祐正六位上大中臣朝臣豐雄等向伊勢太
神宮奉幣例也 十四日辛酉大風折樹發屋京師百姓戶舍破
損者甚多 十五日壬戌風雨未止都城東西河水人馬不通諸
國濱海之地潮水漲溢人畜被害 十九日丙寅詔下野國正三
位勲四等二荒神社始置神主山城國宇治郡荒廢地一町三百
三十八步賜文德天皇皇子源朝臣能有 廿日丁卯傳燈滿位
僧三澄奏言神峯山寺在攝津國島下郡三澄奉為國家所建立
也春演說寂勝王經秋吼講法華妙典請為御願真言一院賜名
忍頂寺詔許之 廿六日癸酉勘解由次官從五位下兼行明法
博士御輔朝臣長道率長道者左京人也元明經生後學律令號

別勅生官給衣食同得業生學殖漸優奉試及第兼和七年為明
法博士仁壽三年叙外從五位下母喪去職後復本官齊衡二年
兼大判事天安二年為勅解由次官餘官如故十一明授從五位
下卒時年六十二 廿七日甲戌正三位行中納言兼陸奧出羽
按察使平朝臣高棟奏鎮守府上言邊垂之吏去卿遼遠公廨之
外無復資糧而至有未納抑而不行請准太宰府司公廨雖有未
納以正稅給之永為恒例詔許之 冬十月丁丑朔日有蝕之
二日戊寅天皇御前殿賜飲侍臣如常 三日己卯授豐前國正
六位上大富神從五位下安藝國佐伯郡始置主政一負正五位
下行典藥正兼侍醫參河權守物部朝臣廣泉卒廣泉者左京人
也本伊豫國風早郡姓物部首後隸京兆賜姓朝臣廣泉少學醫
術多見方書天長四年為醫博士兼典藥允遷為侍醫後累遷伊
豫讚岐掾侍醫如故六年春授外從五位下為內藥正侍醫如故

野神
櫻之宇
祭
有野
柳

十四年授從五位下兼伊豫掾仁壽四年授從五位上為肥前介
內藥正侍醫如故天安二年兼參河權介貞觀元年冬授正五位
下轉參河權守內藥正侍醫如故廣泉藥石之道當時獨步齡至
老境鬚眉皎白皮膚悅澤氣猶強卒時七十六撰攝養要凌廿
卷行於世矣 七日癸未地震 八日甲申廢大隅國吉多野神
二牧緣馬多蕃息害百姓作業也 十五日辛卯河內國正四位
下飛鳥戶神列於官社大和國平城京中水田五十五町四段二
百八十八步施捨不退超昇兩寺先是傳燈修行賢大法師真如
上表曰件田大同舊年勅賜上毛野穀磐石上內親王等彼親王
等偏謂私地捨充功德而歷代以降盡被取公關諸俗務理縱宜
然真假之論義有未愜當今慈雲廣覆慧日更明九緣佛事之莊
嚴必賜恩綸而印可請特哀許施入不退超昇等不破已靈之宿
心將資聖朝之冥助勅許之真如者平城太上天皇皇子弘仁之

廢皇太子也 十六日壬辰制哲王之訓以考為基夫子之言窮性盡理即知一卷孝經十八篇章六籍之根源百王之模範也然此間學令孔鄭二註為教授正業厥其學徒相沿盛行於世者安國之注劉炫之義也今宋大唐玄宗開元十年撰御注孝經作新疏三卷以為世傳鄭注比其所注餘義理專非又誓之鄭志康成不注孝經安國之本梁亂而亡今之所傳出自劉炫事義紛沓誦習尤艱靡厭厭眾止更招疑義故玄宗廣酌儒流深廻睿想為之訓注冀闡微言即勅學士儒官會議可否於是當時有識碩德名儒咸集廟堂恭尋聖義妙理甚深常情難測同共嗟伏服請頒傳侍中安陽縣男乾曜等奏曰天文昭爛洞合幽微望即流行佇光來葉制曰可然則孔鄭之注並廢於時御注之經獨行於世而唯傳彼注未讀件經假之通未為允愷鄭孔二注即謂非真御注一本理當遵行宜自今以後立於學官教授此經以充試業庶前儒必

固之失遵先王至要之源但去聖久遠學不厭博若猶敦孔注有心講誦兼聽試用莫令失望 廿一日丁酉屈六十僧於東宮限三箇日轉讀大般若經 廿五日辛丑法隆寺牋曰檢案內有功德安居官安居二色講師功德安居講者上官太子之本願官安居講者勝室感神天皇之本願也昔日僧等件二色講互當其次則為得業而依登美真人藤津解天長二年以降延曆寺僧為官安居講師亦來功德一講依次充之即為夏講業而太政官去齋衡二年八月廿二日符備補任諸國講讀師者以五階僧為講師以三階僧為讀師者有司案此格去所謂夏講已請延曆寺僧專寺僧等所請功德講是格外之色不可為夏講業今諸大寺惣有其色成五階業法隆寺既無其色何以立業望請件功德講為夏講業下知所司以為永例然則先聖本願隆於萬代傳燈末學紹於億劫從之 廿八日甲辰皇太后於東五條宮大修齋會講法

華經限五日訖 廿九日乙巳山城国守治郡地廿五町賜左大
 臣正二位源朝臣信正三位行中納言橘朝臣岑繼薨岑繼者贈
 太政大臣正一位清友朝臣孫而右大臣贈從一位氏公朝臣之
 長子也氏公朝臣是仁明天皇之外舅岑繼所生是仁明天皇之
 乳母故天皇龍潛之日陪於藩邸稍蒙寵幸岑繼身長六尺餘腰
 圍差大為性寬緩少年愚鈍不好文書天皇見其無才歎曰岑繼
 也是大臣之孫帝之外家若有才識公卿之位庶幾可企何其不
 讀書之甚哉岑繼竊聞慙恐於心乃改節勵精從師受學書傳略
 通音旨天長六年為內舍人七年任常陸少掾遷相模權掾九年
 正月叙從五位下天皇登極之初天長十年三月為右近衛少將
 父氏公右近衛大將由是遷為左兵衛佐遷左近衛少將承和三
 年正月授從五位上兼丹後守六年加正五位下七年授從四位
 下拜兵部大輔左近衛少將丹後守並如故轉中將十一年正月

豫方當作

拜叅議十三年為右衛門督兼相摸守十四年進從四位上其年
 冬十二月母憂解職十五年二月詔奪情以本官起之嘉祥二年
 正月授從三位五月拜權中納言齊衡二年進爵為正三位三年
 拜中納言薨時五十七 閏十月丁未朔地震 二日戊申分遣
 使者賜京師貧窮者錢米以今日皇太后宮齋講畢故也 四日
 庚戌詔二品行兵部卿忠良親王聽以私鷹三聯狩五畿内国禁
 野邊 十二日戊午太宰府言管豐後国權掾正六位上越智宿
 祢廣歲乞骸骨曰廣歲齡及八十筋力衰耗空妨官職無益公家
 請罷官叙鄉以待終許之 十六日壬戌進伊豫国從四位上大
 山積神階加從三位正六位上伊方神授從五位下 十七日癸
 亥授伊豫国從五位上瀧神從四位下 廿日丙寅雨雪錄見在
 禁中五位以下及諸衛府宿直者賜綿有差無品同子内親王薨
 帝不視事三日内親王者淳和太上天皇之皇女也母池子丹輝

氏從五位上門成之女也 廿三日己巳地震勅從四位下行文
章博士兼播磨權守菅原朝臣是善正五位下守權左中辨兼行
式部少輔大枝朝臣音人正五位下右中辨藤原朝臣冬緒從五
位上行大學博士大春日朝臣雄繼從五位下守主計頭兼行木
工助竿博士有宗宿祿益門等曰今年一章十九年准據先例當
有朔且冬至而曆博士真野麻呂等所上曆日冬至在十一月二
日若於經史有可進退之理乎宜議而奏之是善等議曰謹案真
野麻呂所執以為依日分小餘不足不得合朔論之曆術理若當
然但案曆經注云月行遲疾曆則有六火六小以日行盈縮增損
之云云當察加時早晚隨其所近而進退之使不過六火六小其
正月朔若有交加時正見者消息前後一兩月以定大小令虧在
晦者以此言之既有進退之理而今當年曆八月大九月小十月
大閏十月小然則以一小月為大自得朔且冬至夫朔且冬至者

曆數之所始帝王之休祥既去避凶而在晦何不遂告以退朔昔
唐太宗貞觀十四年有閏十月即得朔且冬至太史令傅仁均以
癸亥為朔且冬至而宣義郎李淳風案古曆分日以為甲子宜在
朔且詔下公卿及諸有識於是國子祭酒孔穎達等十有四人尚
書八座請從淳風議有詔可之雖然至於後年不見尋耀之愆爰
知一日進退未足為妨又尚書百釋云頻大消之案其意義每至
章部之歲必欲令得朔且冬至故頻置大月至於三四夫六火六
小者曆術之常法况今唯置七大既得合朔乎又勅從五位下行
曆博士兼備後介大春日朝臣真野麻呂外從五位下行阴阳助
兼權阴阳博士笠朝臣名高等曰今諸有識等會議云今年可置
朔且冬至若依此說遂吉置朔者於後年曆得節氣不錯謬歟真
野麻呂等奏言謹檢術法無依吉進退之文仍今年不置朔且冬
至依群臣議置之可無弦望朔之差於是詔從是善等之議焉

廿五日辛未宣詔百官及五畿七道諸國去今年當有朔旦冬至而曆家偏依日分不足置於二日今就舊之故實既有改定之理宜改閏小月為大即以十一月二日丁丑為朔旦冬至是日任同子內親王裝束山作等司從四位下行越中權守房世王為裝束司長官治部少輔從五位下安倍朝臣房上為次官判官二人主典散位從五位下廣山王為山作司長官從五位下藤原朝臣大野為次官判官二人主典二人喪家辭而不受太政官論奏美濃國惠奈郡人縣萬歲麻呂殺百姓三人法官斷罪當斬刑詔減死一等處之遠流十一月丁丑朔旦冬至河內國從五位下豐稻賣神御祖神子官神並授正五位下公卿上表賀朔旦冬至曰臣聞乾坤不宰日月無私逆其道則躔次自差順其常則禎祥昭叶然則上元之歲天正之辰合璧和光連珠繚彩歷列辟而稀遭待興王而合瑞者也神伏惟皇帝陛下承天之序繼聖之明生知之德

潛通不言之化自遠是以阴阳降祉天人合應慶雲連理史不絕書瑞鳥嘉禾府無虛月而今律應北宮漏移南至五星同舍均瑞彩於周臺兩耀集辰合昌耀於漢祀從九霄以降祥表無疆之嘉豈不以天地合德日月齊明先天而天不違後天而奉天時者哉臣等傾心日轡庇影璇圓顧惟愚昧竊感顯慶同陳思王之抗表喉祝踐長異崔亭伯之作銘猶欽延祚無任聳抃之至謹拜表奉賀以聞是日帝御前殿賜飲侍臣錄文武官及校書殿內監等見直者奏之三日己卯詔參議正三位行右衛門督源朝臣融賜大和國宇陀野為臂鷹從禽之地八日甲申春日平野祭如常九日乙酉梅宮祭如常十二日戊子大原野祭如常十三日己丑園韓兩祭如常十四日庚寅於宮內省修鎮魂祭如常十五日辛卯修新嘗祭帝不御神嘉殿親王公卿向內省行事十六日壬辰詔曰皇天無親以萬物為芻狗聖人無心以百姓

為耳目是以資生無涯不言之化克隆樂推不厭無為之業長逸
 朕以眇之身託萬民上涉道已淺乘危懷但賴群公卿士盡力
 寅翼朕躬廼者公卿奏言今年十一月朔旦冬至得天之紀終而
 復始連珠映五緯而懸芒合璧疊二離而摘彩雖理闕恒筭而必
 感至仁朕之寡德何鍾斯祥肆思與天下共同休慶自貞觀二年
 十一月十六日昧爽以前徒罪以下不輪輕重咸從免除但八虐
 故殺謀殺強竊二盜私鑄錢常赦所不免及欠肩官物之類不在
 赦限若以赦前事相告言者以其罪罪之其門蔭久絕及功才早
 章者特加榮獎式暢寵章內文武官主典已上叙爵一級在京
 正六位上諸史及史生以下直丁以上又天下高年人等宜量賜
 物庶覃鴻霈於浹宇答靈眷於昊蒼布告遐迩俾知朕意天皇御
 前殿賜宴群臣賜文武官爵策命曰天皇我詔旨良萬勅大命乎
 朕諸開食止宣朔且冬至波歷代天希尔值王者乃休祥格朕我

卜部宿 祿平麻 呂七字 當作橘 朝臣永 名傳焉 之珍平 麻呂當 時為外 從五位 下神祇 權大和 其後平 特為從 五位下

以不德天今得值利朕躬也乃美此乎嘉年親王等諸王等諸臣
 等百官人毛止天下乃公民尔至萬相賀奈部之止所念行湏故是以
 其仕奉狀乃隨尔上治賜布人毛在氏氏乃中尔治賜布人毛一
 二在又内外乃諸司乃主典利與以上乃人尔冠一階上賜布又司
 乃人毛止直丁尔至萬大物賜布又天下高年乃人尔毛賜物布
 又諸徒罪以下乃人毛止免止勅大命乎眾聞食止宣進正四位下
 行神祇伯卜部宿祿平麻呂從四位上守刑部卿藤原朝臣輔嗣
 階並加從三位授參議右大辨從四位上兼行左近衛中將備前
 守藤原朝臣良繩正四位下散位從四位下兼行左近衛中將備前
 章生無位繁世玉從四位下大舍人頭從五位上島江王正五位
 下無位與我王從五位下從四位上行右兵衛督兼相摸守源朝
 臣勤正四位下從四位下行文章博士兼播磨權守菅原朝臣是
 善無位源朝臣光並從四位上散位正五位下坂上大宿祿正野

大藏大輔兼守左中辨高階真人岑緒權左中辨兼行式部大輔
大枝朝臣音人左近衛少將兼行播磨權介良岑朝臣清風右中
辨藤原朝臣冬緒右近衛少將兼行周防權守藤原朝臣常行並
從四位下從五位上守左近衛權少將兼行少納言侍從播磨介
藤原朝臣基經正五位下散位從五位下常道真人兄守滋野朝
臣善蔭主殿頭兼行侍鑿當麻真人鴨繼曰幡守藤原朝臣興世
太宰少貳藤原朝臣真教神祇少副中臣朝臣禕守散位藤原朝
臣諸葛左近衛少將兼行近江權介藤原朝臣良尚中務少輔源
朝臣包大膳大夫在原朝臣守平右衛門佐伴宿祢中庸主計頭
兼行等博士木工助有宗宿祢益門少納言兼侍從良岑朝臣繼
世並從五位上散位外從五位下味真公御助麻呂春道宿祢永
藏天文博士志斐連春繼主稅頭家原宿祢繩雄侍醫兼鑿博士
駿河介興道宿祢名繼助教布瑠宿祢清野無位源朝臣好正六

位上源朝臣加內舍人橘朝臣茂蔭大內記安倍朝臣清行無位
平朝臣朝雄式部少丞藤原朝臣良近木工大允和氣朝臣彙範
式部大丞紀朝臣春常散位文室真人耳樂麻呂民部大丞清原
真人惟岳左衛門大尉藤原朝臣利基少尉管野朝臣宗範散位
百濟王貞忠藤原朝臣真宗藤原朝臣雄良當麻真人安方肥前
介永原朝臣永岑河內介石川朝臣第庭宮內大丞大原真人安
雄左大史正六位上三善宿祢清江大外記多米宿祢弟益直講
六人部福真左近衛將監兼土佐權掾肩野連道生木工權少允
志紀縣主貞成皇太后宮大屬河根宿祢吉式部大錄善道朝臣
繼根右近衛將曹從七位下忠世宿祢真並外從五位下 十七
日癸巳風猶不止多壞人廬舍 廿日丙申詔改散事從四位下
源朝臣盈姬告身為從四位上盈姬嵯峨太上天皇之女也 廿
六日壬寅無位源朝臣端姬統朝臣敦子並從四位上無位藤原

朝臣儉子從四位下從五位上安倍朝臣御井子正五位下無位
 藤原朝臣元子藤原朝臣德子文室真人廣子藤原朝臣多子藤
 原朝臣岑子藤原朝臣充子坂本朝臣氏子並從五位下從七位
 下葛井連繼刀自春日真繼刑部真齋無位佐貴山谷官子大
 春日朝臣氏子並外從五位下賜親王以下祿各有差今月一日
 錄文武官及校書殿內豎見直者今日賜祿是日夜風烈雷雨
 廿七日癸卯正五位下行內藏頭兼神祇大副中臣朝臣逸志為
 神祇伯從五位上行神祇少副中臣朝臣禊守為大副散位從五
 位下高向朝臣公輔為中宮大進從四位下行右近衛少將兼周
 防權守藤原朝臣常行為內藏頭餘官如故從五位下行侍醫大
 神朝臣庸主為內藥正散位從五位下藤原朝臣正世為大藏少
 輔從五位上滋野朝臣善蔭為彈正少弼從五位上行兼濃權守
 坂上大宿祢貞守為守從五位上行陰陽頭藤原朝臣三藏為下

野守散位從五位上藤原朝臣清瀧為越前守大藏少輔從五位
 下藤原朝臣貞庭為太宰少貳從五位上行太宰少貳藤原朝臣
 真數為肥後守 十二月丙午朔 四日己酉地震 八日癸丑
 新修釋奠式頒下七道諸國先是播磨國 博士正八位上和迹
 部臣宅繼申請去謹案大唐開元禮大學國子州縣各有釋奠式
 今此間唯有大學式無諸國式所謂大學式則因修開元禮大學
 國子之式具載奠祭之儀明定進退度又云若上下當國忌及祈
 年祭改用中丁者如此等事未有施行凡厥諸國相犯者多或稱
 大學例用風俗樂或據州縣式停止音樂唯任人心遂無一定夫
 尊師之道誠須嚴整如在之禮宣合參差望請被賜伴式以為永
 監勅依之 十一日丙辰於神祇官修月次神今食祭親王公卿
 參會行事 十五日庚申公卿奉勅會建禮門前遣使者於諸山
 陵墓獻荷前幣如常 廿日乙丑先是從五位上行大學博士大

春日朝臣雄繼以御注孝經奉授皇帝今日有事竟宴授博士雄繼正五位下御筆書告身以寵之 廿一日丙寅始修佛名懺悔之事如常 廿八日癸酉授正六位上藤原朝臣諸房從五位下 廿九日甲戌從五位下行內藥正大神朝臣庸主卒庸主者右京人也自言大三輪大田根子之後庸主奉姓神直成名之後賜姓大神朝臣幼而俊辨受學醫道針藥之術殆究其奧承和二年為左近衛醫師遷侍醫十五年授外從五位下兼參河掾後遷兼備後掾三年授從五位下貞觀二年拜內藥正卒時六十三庸主性好戲詭最為滑稽與人言談必以對事嘗出自禁中向作地黃煎之處途逢友人問云向何處去庸主答云奉天皇命向地黃處此其類也然處治多効人皆要引療病之工廣泉沒後庸主繼塵太收聲價焉 廿日乙亥從五位上源朝臣舒為次侍從大板於朱雀門前并大儼如常

三代實錄

自五至八

149
40
9

東 京 圖 書 館

冊	號	架	函	屬	類
11	40	9	11		

日本三代實錄卷第五起貞觀三年正月盡十二月

大臣從二位兼行左近衛大將藤原朝臣時平等奉

三年春正月丙子朔 天皇不受朝賀雨也御前殿賜宴侍臣奏

七曜燈藏 厚薄腹赤魚舉音樂賜被並如常儀 四日己卯所

司獻剛 天皇不御前殿付內侍奏 七月壬午 天皇御

豐樂殿觀青馬賜宴奏樂如常儀賜祿有差 八日癸未於大極

殿始講寂勝王經以興福寺僧傳燈大法師位眷德為講師 九

日甲申地震 十三日戊子參議從三位行左大辨兼左衛門督

美作守藤原朝臣氏宗為中納言左兵衛督如故散位從四位下

正躬王為參議正四位下行右大辨兼左近衛中將備前守藤原

朝臣良繩為左大辨左近衛中將備前守如故正四位下行勘解

由長官兼式部大輔信濃守南淵朝臣年名為右大辨勘解由長

官信濃守如故參議從四位上春澄朝臣良繩為式部大輔從四



勅撰

位下行權左中辨兼式部少輔大枝朝臣音人為左中辨從五位上行民部少輔藤原朝臣管雄為大輔宮内少輔從五位下滋野朝臣善根為民部少輔從五位上守治部大輔藤原朝臣本雄為大藏大輔散位從五位下丹墀真人弟梶為少輔從四位下行攝津守紀朝臣今守為山城守散位外從五位下多米宿祢弟益為介從五位下在原朝臣安貞為大和權守從五位下藤原朝臣秀雄為河内守攝津權守從五位上安倍朝臣貞行為正守散位從四位上源朝臣冷為伊勢守從五位上行皇太后宮亮三統宿祢真淨為介本官如故散位從五位下藤原朝臣良近為權介外從五位下善道朝臣繼根為伊豆守三品行式部卿仲野親王為上總太守式部卿如故散位從五位下橘朝臣吉雄為信濃權守從五位下行内藏助紀朝臣冬雄為介散位從四位上基棟王為下野權守從五位下伴宿祢河男為介從四位下行越中守房世王

為越前權守從五位下守大判事橘朝臣春成為越中權守河内守大江朝臣直臣為介散位從五位下高橋朝臣文室麻呂為越後介從四位下行左中辨兼大藏大輔高階真人峯緒為丹波守散位從五位上文室朝臣笠科為丹後守大藏少輔從五位下藤原朝臣正世為因幡介大監物從五位下藤原朝臣秋雄為播磨權介從五位下行陰陽權介陰陽博士滋岳朝臣川人為權大掾餘官如故左近衛中將從四位下源朝臣興為兼美作守參議正四位下行左兵衛督兼伊勢守源朝臣多為補前守右兵衛督如故散位從五位下小野朝臣國梁為備後介從五位下藤原朝臣國經為權介從五位上藤原朝臣關主為安藝守從五位下紀朝臣春常為長門守外從五位下管野朝臣高松為紀伊介從四位上行彈正大弼茂世王為阿波守從五位上守左近衛少將藤原朝臣有真為介少將如故從四位下行民部大輔豐前王為伊豫

守從五位下守左近衛權少將藤原朝臣山蔭為介少將如故大藏卿正四位下源朝臣生為筑前守宮内大丞正六位上大原真人安雄去年十一月六日關賜爵之日式部省引列於庭中而內記漏脫不書位記遂以空還然而勅賜着緋是日進賜從五位下告身授無位長岑宿祢良子從五位下十四日己丑大極殿齊會畢僧綱以下奉系內殿論議如常十六日辛卯帝御前殿賜宴侍臣踏歌賜祿如常十七日壬辰降雨於豐樂殿行射禮上不臨御勅公卿令監射焉廿日乙未出雲國上言渤海國使李居正等一百五人自隱岐國來着嶋根郡廿一日丙申內宴近臣文人賦詩內教坊奏樂如常儀賜祿有差授雅樂少允正六位上和迺部大田麻呂外從五位下大田麻呂工於吹笛者也

是日宣詔山城河内和泉摂津及七道諸國司近來奉修理東大寺大毗盧遮那佛工夫既成仍來三月十四日當設无遮之大會

極莊嚴之妙態宜自十一日至廿日禁斷殺生至會日於國分二寺各開齊會請集部内僧尼並為供養其料物使用正稅其太宰府於觀音寺修之令導師具演事由兼令會集僧尼俱稱讚盧舍那佛号乃至無知小民教作是念我寺知識所奉修理毗盧舍那今日至心應奉供養我亦運心專念同就廣作功德但先帝准據本願天皇之弘願以八幡大菩薩為主天下名神及萬民為知識衆初作修理今至當時此事遂成始終雖殊德業惟一然則使八幡大菩薩別得解脫令諸餘名神神力自在本願天皇及先帝御靈乃至開闢以來登遐聖靈同賴薰修早開覺花爰及當今表裏夷晏風雨順時年穀豐稔以此為基當遍法界不論自他終證菩提焉下知出雲國司云渤海客徒依例供給但舊用稻今度時以穀倉充廿八日癸卯散位正六位上藤原朝臣春景兵部少錄正七位下葛井連善宗為領渤海客使播磨少目大初位上

春日朝臣宅成為通事。勅竟使事之間藤原春景宜稱但馬權
介葛井善宗稱同幡權掾。二月乙巳朔日有蝕之。二日丙午
役陸奧國守從五位上坂上大宿禰當道介從五位下伴宿禰春
宗及掾已下記事以上公廨以前守從五位上文室朝臣有真解
由不與過程限也前守有真記事葛木種主等科公事稽留罪以
程限之內不分付官物也。三日丁未撰津國豐嶋郡古荒田五
十七町賜二品兵部卿忠良親王。四日戊申祈年祭并春日祭
如常。七日辛亥遣唐使者向撰津國住吉神社奉神寶授信濃
國正六位上國業比賣神從五位下先是奉為先帝寫金字大
般若經一部是日於內殿屈請百僧奉讀彼經限三日訖授外從
五位下錦部連清刀自從五位下。十日甲寅讀經事畢百僧罷
還各施度者一人所司有布施之外以內藏寮絹綿布加觀焉。
十一日乙卯大原野祭如常。十三日丁巳釋奠如常讀岐國從

五位上田村神列於官社。十六日庚申散位從五位下和氣朝
臣巨範為中務少輔從五位下伴宿禰益友為大監物從五位上
行宮內少輔源朝臣同為大學頭從五位上行中務少輔源朝臣
包為治部大輔正五位上行大學頭豐階真人安人為刑部大輔
散位從五位下橘朝臣主雄為大判事主計頭從五位上兼行木
工助等博士有宗宿禰益門為木工權頭主計頭等博士如故外
從五位下行木工權少允志紀縣主貞成為助參議正四位下正
躬王為彈正大弼從五位下行主殿權助藤原朝臣水谷為齋院
長官權助如故散位從五位下清原真人惟岳為勘解由次官從
五位上行武藏介平朝臣春香為權守從五位下行武藏權介佐
伯宿禰子房為介。十八日壬戌皇太后臨御太政大臣東京深
殿弟王公以下莫不畢會盛設希饌終日極歡雅樂寮奉音樂賜
親王以下五位以上衣被絹諸司六位以下及女孺等賜祿有差

夜分之後還御本宮太后可御鳳輦而今日用牛車十九日癸亥授外從五位下行隼人正難波連藤原麻呂從五位下主殿允正八位下伴大田宿祢常雄外從五位下无位上毛野朝臣滋子從五位下昨日皇太后御太政大臣第仍有此賞藤原麻呂已下大臣家之人也廿一日乙丑詔山城河内和泉棋津七道諸國司云來三月十四日當詔无遮大會奉供養東大寺大毗盧舍那佛宜令被日會集人授十善戒廿五日己巳皇太后向大原野神社奉幣御牛車以藤原氏六位以下為御車從者是日以周防守從五位下藤原朝臣直道為少納言散位從五位上藤原朝臣諸葛為中務少輔齊院長官從五位下兼行主殿權助藤原朝臣水谷為待從餘官如故從五位下行侍醫兼醫博士駿河介興道宿祢名繼為內藥正侍醫駿河介如故從五位上行中務少輔和氣朝臣巨範為大藏少輔從五位下行越中介大枝朝臣直臣為駿河

權守從五位上守左近衛少將兼行近江權介藤原朝臣良尚為正介少將如故外從五位下行紀伊介菅野朝臣高松為越中介大藏少輔從五位下丹墀真人弟梶為周防守詔大納言兼行右近衛大將源朝臣定聽以私鷹鷄各二聯遊獵山崎河内和泉棋津等國禁野之外廿九日癸酉皇太后落銜入道文德天皇女御從一位藤原朝臣古子相從出家參議從四位上行太宰大貳清原真人岑成卒岑成在京人贈一品舍人親王之後也曾祖二世從四位上守部王祖從五位下猪名王父无位弟村王岑成是弟村之子也天長五年為近江大掾六年授從五位下為筑後守七年二月母憂去職其年十月拜近江介九年加從五位上岑成本名美能至于十年六月賜姓清原真人改名為岑成十一月加正五位上承和元年授從四位下十一年為越前守赴任之後取暇入京隱居不出所司奏聞官當解任免從四位下之階十

三年授正五位下十四年春拜大和守嘉祥元年授從四位下為
彈正大弼遷為左中辨仁壽二年出為越前守八月留為彈正大
弼齊衛二年進從四位上除右大辨天安元年遷大藏卿二年兼
因幡守貞觀元年拜參議二年為太宰大貳卒於官岑成立性清
直不拘小節初為大和守盛改造官舍有能名至于為大貳西府
倉屋破壞特甚有意脩造不遑寧居伐神社之木充結構之用或
人諫云此神見稱有靈崇啓所致不利於人岑成拒而不肯強令
伐取因此受病不幾而卒時年六十三 三月乙亥朔殞霜二
日丙子御齊燒燈如常 四日戊寅自一日霜頻降 六日庚辰
授阿波國正六位上白鳥神從五位下 七日辛巳新鑄銅印一
面賜東市司 八日壬午授左近衛權少將正五位下兼行少納
言侍從播磨介藤原朝臣基經從四位下散位從四位下忠貞王
為大學頭從五位上源朝臣同為宮內少輔 十二日丙戌授從

八位下齊部宿祢文山從五位下文山修理東大寺大佛巧思不
恒功夫早成仍以賞焉 十三日丁亥令百官限三箇日斷魚肉
以明日應奉供養東大寺毗廬舍那佛故也停防鴨河葛野河二
使隸山城國 十四日戊子於東大寺設無遮大會供養毗廬舍
那大佛勅二品治部卿賀陽親王三品中務卿諱光孝天皇親王四品
彈正尹本康親王正三位行中納言兼民部卿皇太后宮大夫伴
宿祢善男從四位下行右中辨藤原朝臣冬緒右京大夫從四位
下在原朝臣行平從五位下守左衛門佐紀朝臣春枝散位從五
位下布留宿祢清貞外從五位下行左京大史三善宿祢清江少
外記正七位下御室朝臣安常等相率向寺監脩會事此是佛像
感神聖武皇帝天平十五年創造 文德天皇齊衡二年頭傾顛
斷頓落于地年來修理鎔鑄復舊即使開眼佛師入籠轆轤引上
乃點佛眼凡其莊嚴之儀不可勝載廊之柱衣以錦繡壇場之上

敷其朱紫懸七宝樹遠裁庭際藻飾幡盖排批香花極巧盡麗奈
 人目精歷覽梵宇處莊飭觀者不能厭而拋過衲衣宿襟振錫
 秀眉威儀俱足填噎堂宇大唐高麗林邑等之樂鼓鐘肆陣絲竹
 方聲先令內舍人端白者廿人供倭舞次近衛狀齒者廿人東舞
 後梵唄接響衆樂逆奏大佛殿第一層上結搆棚閣更施舞臺天
 人天女彩衣霓裳音伎聒空以移一天南北兩京貴賤士女充街
 塞陌莫不聚觀蹠足翕肩人不得顧先是詔從四位下行文章
 博士兼播磨權守菅原朝臣是善作呪願文曰與若天國押開廣
 庭天皇十三年壬申釋迦牟尼佛銅像東來至干感神聖武皇帝
 天平十五年癸未敬造此廬舍那大佛二百有餘載金姿誕耀光
 輝百億之中相宏闢震動三千之外一草一壤獻至誠而爭先一
 日三拜應弘誓以競進人神感慶光跌已成摸兜卒之下生狀須
 弥之高崎爰設開眼會車駕親臨旌旗拂天鐘鼓震地四夷聞奏

萬樂更陳自斯而後一百餘祀先皇齊衡二年乙亥秋九月現
 寂滅之為樂稱諸法之必空廢千株之扶持為一時之頌毀靈顏
 頓落疑滿月之暮西山宝髻俱投似遊雲之頽北碣真容特峙儼
 若思惟玉座無驚宛然禪定先皇鈞天无事神器有皈堯曦將佛
 鏡俱懸軒車與法輪同轉刑罰措而不用功德以同施慨諸佛之
 失元首恨衆庶之無瞻仰以為神力不勤於大力四禪不壞於三
 灾四海將留魔風可返即傍謀卿相博詢葛藟採公輸班之雲械
 拋張平子之參輪周官詮揆日之工荆容練成風之功雖則道露
 遐迹貺動幽明奄王移水府之深星容布天圃之青紅粟朽廉贍
 萬民而有羸青鳧委貫散四海以無盡猶示功非獨舉力寄群緣
 一切偕心衆生共助一粒攸捨齊金剛之珍藏半錢所施比銅山
 之陶鑄於是神靈致感奔為知識之先外道皈心還為恭敬之輩
 何況施身童子忍辱仙人天女持花山神獻菓三槐九棘禔玉佩

而徒取桂殿枿房落金釵以靡惜無量無盡荷擔爭馳自西自東
車馬競至遂使銀繩運轉見飛頭於虛空壁相全還瞻圓面於寶
殿猶喻漢帝之日再中天上秦王之鏡更出地中星豪一点排重
雲而霄光花簪四照遂長春以曉發前佛後佛非謂二佛前身後
身猶是一身如去如來不生不滅者此之謂哉若使陰陽為炭萬
物為銅較量功力豈如哉自鼎湖龍去梧岫雲飛藻績有遺供艱
未畢爰今上垂衣致化寢繩成功馭七聖而無為軼三皇以有截
憂良圖之不竟悲善業之無成率先百工遂為具相以此貞觀三
年歲次辛巳春三月十四日青蓮湛目褰翠幌而高臨赭石涵昏
啓紅窓以密咲三十二相煥若天成八十四儀巍如踊出即使金
光護國之香場排辦天平勝室之舊事層薨四注激奔雷於彫櫳
複屋三休繞浮烟於繡檻瓊廡清筵之地鷲鷲成行琪樹恆廊之
庭鸞鷲致能飛箏列鐸袖上妙之奇調清唄梵鐘發中天之異響

初虹曳綵即挂新幡瑞鳳翻金還抽舊刹香煙花雨供三世佛之
虛空玉饌瓊漿薦十方僧之現在天籟地籟參差萬殊南音北音
鏗鏘九變寶螺歎吼法鼓雷鳴蕩穢滌邪和神感鬼激梵湯河之
曲俳優狄鞞之偶莫不動風雲致鱗羽者矣於是閭閻霜撲士女
雲趨車不得施人不得願繞長廊而遊目翠簾啓窓推高門而翕
肩紅袖成帳非夫含樞宅海提象北辰者焉能動而行之非夫薰
修百億覆護三千者誰敢靜而當之然則金鍾盛四海之水能灌
頂者曰師玉斗騰七耀之暉獨臨曾者稱聖先分功德救濟神祇
早脫威怒之煩速趨慈善之果憑斯功德奉資感神之山陵以此
勝因奉酬田邑之靈廟俱懸真鏡為遍周法界之光同轉梵輪為
願行圓滿之佛全慈景福奉薦聖朝四三才而齊儀六五龍而比
壽愕夢無侵其慮甘寢有恬其神璇璣不廢玉燭恒昭九土闕謳
千箱發詠太皇太后中宮摩耶之德窮累劫而無銷章德之規與

坤元以等又親王諸王相府卿門拱北辰而無移杻南岳以不動
百寮之臣千城之宰比屋流祥闔門契福十方之所該被三界之
所包含俱出塵區同登智岸

即祝咒願曰

蓮花法藏	莊嚴世界	祇園重閣	開演勝義	十方法身
遍周法界	不可思議	盧舍那佛	感寔天皇	敬造金容
天人合應	祥符顯彰	一切弘誓	萬方捨財	塊壤盈握
枝葉捧手	銑鎔已畢	藻飾具成	光焰燦天	跣趺連地
榆芭曉點	桂影宵臨	神宮不夜	寰宇長秋	一日三拜
千年六時	霜鐘遠響	風鐸長鳴	至誠欽仰	精進供養
香花無數	伎樂自在	爰及齊衡	圓首忽頽	歡情悲感
黎庶栖遑	因修舊迹	補綴先儀	功夫具足	先帝昇遐
聖皇繼躋	文思欽明	垂拱無為	優遊有道	股肱寧濟

輔相肅雍	赤縣同文	蒼旣俱悅	貞觀三年	歲次辛巳
暮春之月	十四日晨	莊嚴洽盡	頭顱端正	慧眼重開
靈毫更照	乃勅境內	禁斷屠漁	預勸會衆	受十善戒
屈十方佛	布施妙財	請三世佛	供養上饌	虹幡製綵
雲幢揚光	鼙鼓群鳴	鳳蕭俱叫	琴瑟克諧	金石殊調
似夢鈞天	疑生淨土	天神皈依	地靈來集	觀者如堵
來者如雲	都雄野老	鴈行連袖	趙美燕餘	魚貫繼履
如是景祐	先資七廟	條想三明	恬神八解	感神天皇
遠慮斯基	早叶宿誠	當成今佛	田邑聖靈	深圖始啓
速遊六天	遂登十地	兩皇太后	母儀堅固	中宮淑德
霧露無侵	方今聖朝	宝祚延長	恒沙入壽	劫石添身
風調舜曆	兩浹堯旬	萬民康樂	四境恬靜	天官冢宰
全保金剛	衮職名臣	永斷災難	文武百官	霑斯法味

牧守千里 沐此良緣 梵釋四王 龍神八部 增光日月
倍勢風雷 八幡菩薩 殊資妙因 依善知識 成菩提果
部類神祇 或幽或顯 俱乘梵筏 早脫煨宅 水林聚落
河海諸神 扶持白業 愛護黃圖 三千法界 十二因緣
共出煩昏 同遊覺照
廿三日丁酉詔河內撰津兩國聽二品式部卿兼上總太守仲野
親王以私鷹鷄各二聯遊獵禁野之外 廿五日己亥禁陸奧國
出境內之馬 廿日甲辰聽傳燈修行賢大法師真如向南海道
夏四月乙巳朔 天皇不御前殿於右近伏下賜侍臣飲祿如
常喚左右近衛樂人於北殿東庭奏音樂中宮別賜中將以下近
衛以上御衣并布各有差 四日戊申廣瀨龍田平野等祭如常
五日己酉梅宮祭如常 七日辛亥地震 八日壬子內殿灌
佛如常授近江國從五位下川枯神正五位下 九日癸丑從五

位上行中務少輔藤原朝臣諸葛為少納言從五位上行宮內少
輔源朝臣同為中務少輔散位從五位下文室朝臣卷雄為主殿
權助周防守從五位下丹墀真人弟梶為兼鑄錢長官 十日甲
寅授伊賀國正六位上高藏神阿波神高松神字奈根神並從五
位下 十二日丙辰賀茂齊內親王臨鴨水修禊是日便入紫野
齋院 勅大納正三位兼行右近衛大將源朝臣定監禊事 十
三日丁巳勅緣皇太后御願安祥寺年分度三人外寄住寺七大
寺僧每年一人請用維摩寂勝兩會聽衆一人預豎義但年分度
者居山七年預豎義十三年預聽衆 十四日戊午空中有聲如
雷 十五日己未公卿就太政官曹司廳賜文武官成選位記宣
制如常 十六日庚申諸衛警固緣賀茂祭也 十七日辛酉修
賀茂祭先是內藏寮有人死穢仍勅使自縫殿寮進 十八日壬
戌諸衛解嚴 廿五日己巳 文德天皇皇子男二人女三人未

定名號是日或為親王或為朝臣惟恒親王礼子内親王並母藤原朝臣氏源朝臣行有母臣布勢氏源朝臣富子母管原氏源朝臣淵子母滋野氏是也 廿八日壬申 天皇御武德殿閱覽左右馬寮御馬駒 五月甲戌朔授園池司無位御氣津神從五位下 五日戊寅 天皇御武德殿觀覽騎射親王以下五位以上 貢競走馬 六日己卯 天皇御同殿觀覽競走馬並如舊儀 十一日甲申式部省奏諸國郡司擬文帝不御前殿右大臣於杖頭定而奏焉 十三日丙戌地震 十四日丁亥從四位上源朝臣光為次侍從 十五日戊子遣使者於近京名神七社奉幣祈雨告文曰 天皇我詔旨止 戡畏支八幡大菩薩乃廣前仁申賜倍申又項者紅日不雨之百姓乃農業可枯賴戡畏岐大菩薩乃矜賜尔依之甘雨普降天五穀豐熟倍之念行毛奈散位從五位下和氣朝臣彞範乎差使天礼代乃大弊帛乎令捧持且奉出須

此狀乎平開食天甘雨忽降天之天下豐年亦有之賜比天皇朝庭乎宝位無動又常磐堅磐介護賜比矜賜止倍恐義恐義申賜止申自餘社告文准此 十六日己丑請諸大寺僧六十口於御在所轉讀大般若經限三箇日訖祈甘雨也 十八日辛卯雷少雨微謝 十九日壬辰地震微雨即止讀經更延二箇日為未得嘉謝也 廿日癸巳地震從五位下守右少辨兼中宮亮藤原朝臣家宗為右中辨中宮亮如故從五位下行伊勢權介藤原朝臣良近為右少辨散位從五位下橋朝臣門雄為大監物從五位下守左兵庫頭藤原朝臣數守為宮内少輔散位從五位下和氣朝臣彞範為木工權助大監物從五位下正岑王為内膳正土佐守從五位下橋朝臣岑雄為彈正少弼從四位下行丹波守高階真人岑雄為伊勢權守從五位上行彈正少弼滋野朝臣善蔭為丹波守從五位下行木工助笠朝臣弘與為土佐守從四位下行右中

辨藤原朝臣冬雄為太宰大貳從五位下行內膳正連扶王為右
兵庫頭 廿一日甲午讀經畢眾僧退散諸司行布施之外加施
御被晚間不雨而雷宣告存問兼領渤海客使但馬權介正六位
上藤原朝臣春景并出雲國司等云渤海國使李居正遠 先皇
制輒以吊來亦令看啓案遠例多端事須責其輕慢自彼却還然
而如聞居正位在公卿齡過懸車才綺夫新猶有可愛因欲特加
優恤以聞入京而頃者炎旱連日有妨農時慮夫路次以停止又
上啓并信物等不可更收須進上中臺省牒授伊豫國從五位上
野間神從四位下詔左右京職五畿內國班給百姓口分田國司
其人仍停遣使以出雲國給絕一百廿五足綿一千二百廿五屯
便領賜渤海客一百五人 廿六日己亥太政官送渤海國中臺
省牒下存問使并出雲國司絕一十足綿四十屯別賜大使李居
正 廿九日壬寅公卿就太政官曹司廳任諸國鈐擬郡司散位

從五位下藤原朝臣諸房為齊宮頭 六月甲辰朔詔民部省除
弃大中臣中臣兩氏絕戶并無身戶在京職惣一百三十七烟先
是正五位下守神祇伯中臣朝臣逸志少副正六位上大中臣朝
臣豐雄等奏言請件無身絕戶等除帳以絕冒蔭之奸從之 二
日乙巳和泉國日根郡田并山田二十三町七段百九十九步永
充淳和院 三日丙午無雲而雷 七日庚戌山城國奏言河陽
離宮久不行幸稍致破壞請為國司行政處但不廢舊官名行幸
之日加掃除許之 九日壬子任伊勢齊內親王裝束使大禊於
建禮門前伯耆國八橋汗入會見日野四郡去年九月遭水灾百
姓被損者多詔復優二箇年 十一日甲寅修月次祭神今食祭
帝不御神嘉殿親王公卿向神祇官行事 十六日己未頒行
長慶宣明曆經先是陰陽頭從五位下兼行曆博士大春日朝臣
真野麻呂奏言謹檢豐御食炊屋姬天皇十年十月百濟國僧觀

勤始貢曆術而未行於世高天野原廣姬天皇四年十二月有勅始用元嘉曆次用儀鳳曆高野姬天皇天平寶字七年八月停儀鳳曆用開元太衍曆厥後寶龜十一年遣唐使錄事故從五位下行內藥正羽栗臣翼貢寶應五紀曆經云大唐今停太衍曆唯用此經天應元年有勅令挾彼經造曆日無人習學不得傳業猶用太衍曆經已及百年真野麻呂去齊衡三年申請用彼五紀曆朝廷議云國家挾太衍經造曆日尚矣去聖已遠義貴兩存宜暫相兼不得偏用貞觀元年渤海國大使馬孝慎新貢長慶宣明曆經云是大唐新用經也真野麻呂試加覆勘理當固然仍以彼新曆比較太衍五紀等兩經且察天文且參時候兩經之術漸以麤疎令朔節氣既有差又勘大唐開成四年天平十二年等曆不復與彼新曆相違曆議曰陰陽之運隨動而差差而不已遂與曆錯者方今大唐開元以來三改曆術本朝天平以降猶用一經靜言事

理實不可然請停舊用新欽若天步詔從之 十七日庚申詔定仁明天皇深草山陵四至東西限一町五段南限純子內親王家地北限峯散位正五位下橘朝臣貞根為右京大夫從五位下藤原朝臣三直為安藝介三直貞觀拜安藝介而會母喪去官今赴之 廿日癸亥伊勢國朝明郡人六人部津根麻呂妻秦養豆岐一產三男賜稻三百束充乳母一人三箇年間給以公糧 廿一日甲子下知近江伊賀伊勢國等國司役夫一百人馬二百九十五疋來九月四日伊勢齊內親王將入太神宮仍預令點儲宣詔伊勢國司并太神宮司云豐受官祿宜正八位上神主河繼內官大內人外從八位下神主真雄同官副大內人外少初位下神主伊勢雄等一祖之後分爭歷年或告冒名或云假姓尋其端緒互有是非竝須摘其疵瑕正其罪法然而事行曩代咎在先民既似踈違誠非奸伏加以發覺以來多經息蕩神主同職子孫相仍

誓之律條既非還正之類求之圖系猶見同姓之因所諍之豐同
 自先祖而發實非末孫之過周道如砥既往不咎况秋業已厭國
 憲有常所犯事條非可追究宜令共保所帶之姓依舊得供神事
 但開河繼等各依私事互闕神事須准法式重其科責此段別從
 在宥之義以崇一切之恩 廿二日乙丑天寒降霧 廿三日丙
 寅地震廿八日辛未 天皇御前殿觀童相撲先是近臣分頭相
 折各為左右以右大臣正二位兼行左近衛大將藤原朝臣良相
 為左方首以大納言正三位兼行右近衛大將源朝臣定為右方
 首左右標并樂人相撲童等經左右仗下入住殿前九番相撲後
 有勅命停左右互奏音樂種雜伎散樂透撞咒獅弄玉等之
 戲如相撲節儀 廿九日壬申晦帝御南殿觀童相撲如昨儀朱
 雀門前大祓如常 秋七月癸酉朔 二日甲戌授和泉國從四
 位下勲八等大鳥神從三位紀伊國正六位上御船神從五位下

十一日癸未大風雨 十四日丙戌先是伊勢國司介從五位
 下清原真人長統大掾正七位上藤原朝臣秋實少掾從八位下
 藤原朝臣近氏大目正七位下秦忌寸高志繼少目從六位上大
 友槻本連真吉從八位上若宮臣秀雄前司大掾正六位上御常
 朝臣雄少掾正六位上興世朝臣有法大目正六位上早部直秋
 貞少目正七位下忍海部國富并諸郡司十五人物惣廿七人為安
 濃郡百姓神人部東成建部繼東所告隱課丁二百十八人不附
 大帳遣散位從七位上藤原朝臣朝野推之長統等罪當徒以下
 是日把去年十一月十六日詔書之旨原免 十九日辛卯以尾
 張國愛智郡荒廢田一百八町六段三百步充冷然院 廿六日
 戊戌 帝御前殿觀相撲左右近衛府奏音樂 廿八日庚子制
 諸司雜色人未經一選不得輒任左右京職條令 八月壬寅朔
 三日甲辰越後國從五位上弥彦神大神居多神並授從四位

下六日丁未釋奠如常外從五位下行直講六人部福貞講周易七日戊申明經博士等奉參內殿論義如常十二日癸丑屈六十僧於內殿轉讀大般若經限以三箇日十六日丁巳天皇始講論語正五位下行大學博士大春日朝臣雄繼侍講是日夜月有蝕之十七日戊午地震宣告五畿七道諸國云佛頂尊勝陀羅尼功德勝利不思量者也故波利殞身邀大士於五臺窟善住繫念脫極苦於七返生宜令書寫梵本安國內諸塔若無牢固之易損弊須鑿心柱深藏其中凡厥功力所感只有處心亦須國司當日清食於國分寺令講讀師燒香散花供報諸尊迴向法界但定額寺令三綱修之其無塔寺不在此限越前國百姓窮弊飢饉特甚長門國去年疫癘死者尤多並賑給之十八日己未大祓於建禮門前以伊勢齊內親王可入太神宮故也十九日庚申左京人散位外從五位下伴大田宿祢常雄賜伴宿祢姓

先是正三位行中納言兼民部卿皇太后宮大夫伴宿祢善男等奏言常雄款稱謹稽家謀伴大田宿祢同祖金村大連公第三男狹手彥之後也狹手彥宣化天皇世奉使任那征新羅復任那兼助百濟欽明天皇時百濟以高麗之寇遣使乞救狹手彥復為大將軍伐高麗其王踰牆而遁乘勝入宮盡得珍寶貨賂以獻之珠數天皇世還來獻高麗之囚今山城國狗人是也狹手彥再使海外征伐兩國盡力絕域復立二國身尊當時功流後代但古人朴質除兩國盡力非私皆賜別姓是以子孫不得大部別賜大田宿祢而狹手彥之弟阿被布古承父為大部連公自斯而後恐子孫之不廣無復更賜別姓今阿被布古之後歷代尊顯而狹手彥之後舉朱紱者曠世無聞一祖之枝榮枯殊隔沉淪之歎告訴无止常雄幸逢昌舉新參花鼓門蔭中興寔為榮慶刊大田兩字同飯於一宗然則外不辱功臣之序內方敦孔懷之親善男等伏揆家

記所陳不虛請刊彼兩字直賜宿祿控派入此本源從之 廿一日壬戌從五位下紀朝臣本道為筑前權守本道天安二年二月拜此職母憂去職今詔赴之肥後國飽田郡大領外從七位上建部公貞雄借外從五位下是日彈正臺始置扶臺掌二人 廿四日乙丑伊勢齊內親王臨葛野河修禊 勅遣中納言從三位兼行左衛門督藤原朝臣氏宗監禊事肥前國正六位上稻佐神堤雄神丹生神並授從五位下 廿七日戊辰空中有聲如雷 廿九日庚午大掖於朱雀門前以伊勢齊內親王九月一日將入太神宮故也日晚雷雨是月京邑往往梨李華或實又患赤痢者衆十歲已下男女兒染苦此病死者衆矣 九月壬申朔 勅遣右大臣正二位兼行左近衛大將藤原朝臣良相尚侍從三位源朝臣全姬向八省院發遣伊勢齊內親王 九日庚辰重陽節 天皇不御前殿於殿庭賜菊酒親王以下侍從以上及文人酣飲賦

玉玉疑
大國王
之謀按
神名帳
常陸國
真盛郡
有大國
玉神社

詩 勅賜題云菊暖花未開日暮賜祿各有差是月伊勢齊內親王入太神宮由是無用宣命不舉音樂亦不着靴 十九日庚寅無品伊登內親王薨帝不視事三日內親王者桓武天皇之皇女也藤原氏從三位乙敷之女也 廿三日甲午授常陸國從五位下主玉神從五位上 廿四日乙未正五位上行刑部大輔豐階真人安人卒安人者元河內國大縣郡人後為左京人也本姓阿保公延曆十九年阿保公御影改姓豐階公安人少幾悟有度量以好學早知名涉讀史傳最精漢書永和五年除少內記轉大內記十五年外從五位下嘉祥二年遷東宮學士三年四月 文德天皇踐祚授外從五位上為丹後權守仁壽二年安人上疏言安人貫河內國未除公字伏請移籍京華亦為真人於是詔賜姓真人貫於京地齊衡三年遷為圖書頭天安之初遷掃部頭遷大學頭少頃為東宮學士大學頭如故數月兼美濃權介其年十一月

皇太子即帝位加授正五位上貞觀三年拜刑部大輔卒時年六十五 廿六日丁酉左京人大內記從七位上味酒首文雄山城少目從八位下味酒首文王寺文章生無位味酒首文宗等三人並賜巨勢朝臣先是左京權亮從五位下巨勢朝臣河守等奏言文雄款偁先祖出自武內宿祢大臣也第五男巨勢男韓宿祢是巨勢朝臣之祖第三男平群木兔宿祢即是文雄之祖也木兔宿祢之後賜味酒臣姓淪落被貫伊勢國至于文雄祖宗改臣賜首姓入貫左京事煥圖謀不敢具載文雄一祖之裔八服之支別孤為悴族久隔榮途加以酒之為用唯貴成礼耽淫之失鑿誠攸深而今味酒為姓副以首字之味既非吉祥况復當為其首乎是以改姓之望朝夕刻思式微之歎弟兄深歎願熙明時之景煦入巨勢之華宗濯鱗清流殺翼高幹但須順祖胤之流賜平群之姓而平群之字稱謂是九巨勢之文義理堪愛恒作昆弟實可无親疎既

酒貫一字未詳

神名帳靈感寺作雲耳寺

云匪他詎論其去就河守等謹檢本系已知同宗見其所愁理當聽許特賜巨勢朝臣之姓將慰沉淪族人之懷從之 冬十月辛丑朔 帝御前殿賜飲侍臣左右近衛府通奏音樂賜祿如常 四日甲辰遣使者向伊勢國大神宮奉幣為國祈也 十一日辛亥造酒司從五位下酒美豆男神酒美豆女神並授從五位上 十六日丙辰因幡國正六位上酒賀神賀露神並授從五位下授散位外從五位下伴宿祢常雄從五位下陸奧國石瀨朝臣富主授借外從五位下 廿日庚申備後國正六位上大神神天照真良建雄神並授從五位下 廿二日壬戌授靈感寺無位攝本神從五位下從五位下橘朝臣三夏為大宰少貳去七月母喪解官今詔以本職赴之 廿四日甲子帝御前殿召諸衛府并左馬寮獻物奏音樂是五月六日競走馬輸物也親王以下賜祿有差 廿五日乙丑請六十僧於內殿限三箇白轉讀大般若經 廿八

日戊辰太政官論奏曰尾張國人敢臣繼吉敢臣宗貞等歐殺宗貞兄敢臣繼雄信濃國人壬生稻主歐殺妻母刑部子刀自女上野國人神人繼道故殺布師貞淡路國浪人物部冬男闕殺錦織廣人遣正六位上行治部少丞安倍朝臣興氏從七位上行勘解由主典伴連貞宗等於上野國推之自餘國司斷而言上法官覆案罪皆當斬詔減死一等處之遠流十一月辛未朔帝不御前殿陰陽寮貢獻來年御曆付內侍司奏二日壬申春日平野祭如常三日癸酉梅宮祭如常十一日辛巳散位從五位下丹墀真人今繼為武藏權介讚岐國多度郡人故佐伯直鈴伎麻呂故正六位上佐伯直酒麻呂故正七位下佐伯直貞主鈴伎麻呂男從六位上佐伯直貞持大初位下佐伯直貞繼從七位上佐伯直葛野酒麻呂男書博士正六位上佐伯直豐雄從六位上佐伯直豐守貞主男從八位上佐伯直粟氏等十一人賜佐伯宿祢

姓即兼左京職先是正三位行中納言兼民部卿皇太后宮大夫伴宿祢善男奏言書博士正六位下佐伯直豐雄欸云先祖大伴健日連公景行天皇御世隨倭武命平定東國功勳蓋世賜讚岐國以為私宅健日連公之子健持大連公子室屋大連公之第一男御物宿祢之胤倭故連公允恭天皇御世始任讚岐國造倭故連公是豐雄等之別祖也孝德天皇世國造之號永從停止同族玄蕃頭從五位下佐伯宿祢直持正六位上佐伯宿祢正雄等既貫京兆賜姓宿祢而田公之門猶未得預謹檢案內直持正雄等之興只由實惠道雄兩大法師等贈僧正空海大法師所成長也而田公是大僧正父也今大僧都傳燈大法師位真雅幸屬時來久侍加護比彼兩師忽知高下豐雄又以彫蟲之小藝忝學館之末負顧望往時悲歎良多准正雄等之例時蒙改姓改居善男等謹檢家記事不憑虛從之十六日丙戌武藏國每郡置檢非

遣使一人以凶猾成黨群盜滿山也 十八日戊子大原野祭如常 十九日己丑園并韓神祭如常 廿日庚寅所司奉祭鎮魂如常儀 廿一日辛卯新嘗會也 帝不御神嘉殿親王公卿向神祇官奉祭如常儀 廿二日壬辰 天皇御前殿賜宴群臣如常賜祿有差 十二月庚子朔 十一日庚戌月次神今食祭 天皇不御神嘉殿親王公卿供事如常儀 廿五日甲子獻荷前幣於諸山陵墓如常 天皇不御建禮門前公卿行事 廿日己巳大祓大儺如常

日本三代實錄第五

日本三代實錄卷第六 起貞觀四年正月盡十二月

左大臣從二位兼行左近衛大將藤原朝臣時平等奉 勅撰

四年春正月庚午朔 天皇不受朝賀兩也御前殿賜宴侍臣賜被如常儀 七日丙子帝御前殿觀青馬宴於群臣賜祿各有差授奏議從四位上兼行式部大輔春澄朝臣善繩正四位下從四位下行越前權守房世王從四位上元位良秀王從四位下從五位下行內膳正正岑王從五位上左京大夫從四位下在原朝臣行平兵部大輔藤原朝臣仲統元位源朝臣能有並從四位上正五位下行大和守弘宗王內藏權頭兼左衛門佐藤原朝臣興邦並從四位下散位從五位上藤原朝臣春岡大藏大輔藤原朝臣本雄並正五位下備中守從五位下朝野朝臣真吉圖書頭橘朝臣岑乾少納言兼侍從藤原朝臣直道陰陽頭兼曆博士大春日朝臣真野麻呂式部權少輔平朝臣實雄雅樂頭源朝臣謹助教

滋善宿祢宗人左衛門佐兼木工頭紀朝臣春枝內藏權助藤原朝臣安方等並從五位上和泉守外從五位下高立宿祢百與陰陽助兼權陰陽博士笠朝臣名高尾張介上毛野朝臣永世散位正六位上當世王无位源朝臣計橋朝臣葛名左衛門大尉平朝臣善行木工權大允藤原朝臣是繩雅樂助藤原朝臣業世內藏大允藤原朝臣積善式部大丞紀朝臣良丹左近衛將監安倍朝臣比高大外記賀茂朝臣岑雄大炊助上毛野朝臣安守散位大春日朝臣澤主右近衛將監紀朝臣繼則近江大掾御春朝臣行雄等並從五位下左大史正六位上朝原宿祢高道右大史安擇宿祢雄繼織部正蕃良朝臣美雄縫殿助時統宿祢諸兄造兵正葛城宿祢永藤明法博士粟九直躰麻呂等並外從五位下 八日丁丑大極殿始齊講如常以法隆寺僧三論宗傳燈大法師位長賢為講師授无位源朝臣吾姬三統朝臣忠子並從四位上无

位藤子女王良岑朝臣憲子藤原朝臣節子藤原朝臣尚子等並從五位下无位尾張宿祢大海大和朝臣仲子等並外從五位下 十日巳卯所司獻剛卯杖 天皇不御前殿付內侍司奏 十一日庚辰地震 十三日壬午散位從五位下源朝臣治為侍從從五位上守內藏權助藤原朝臣安方為助從五位下行內藏大允藤原朝臣積善為權助外從五位下行直講六人部福貞為助教肥前守從五位下藤原朝臣有蔭為民部少輔治部少輔從五位下安倍朝臣房上為尾張守土佐守從五位下笠朝臣弘與為權介散位外從五位下肩野連道主為駿河權介從五位下藤原朝臣忠雄為武藏守從五位下坂上大宿祢龍守為介從五位下大原真人安雄為安房守民部少輔從五位下滋野朝臣善根為美濃守散位外從五位下三善宿祢清江為介左京大夫從四位下在原朝臣行平為信濃守勘解由次官從五位下清原真人惟

岳為加賀介從五位上守右近衛少將兼行阿波權介藤原朝臣
有貞為因幡權守右近衛少將如故因幡介外從五位下都宿祢
御酉為介散位從五位下橘朝臣時成為石見守從五位下行備
後權介藤原朝臣國經為播磨介從四位下行左近衛少將良岑
朝臣清風為美作守左近衛少將如故從五位下行式部大丞紀
朝臣良丹為介散位從五位下紀朝臣宗守為紀伊介從五位上
行因幡守藤原朝臣興世為阿波權守侍從從五位下藤原朝臣
忠宗為介大藏卿正四位下源朝臣生為讚岐權守大藏卿如故
從五位上行大藏少輔和氣朝臣巨範為土佐守散位從五位下
橘朝臣忠宗為肥前守外從五位下忠世宿祢真直為薩摩守從
五位下行主殿權助文室朝臣卷雄為左衛門佐 十六日乙酉
踏歌之節 天皇御前殿宴於侍臣踏歌如常儀賜祿各有差
十七日丙戌車駕幸豐樂院觀射礼 十八日丁亥停四衛府賭

射之事勅公卿向豐樂院令諸衛府後奏者射 廿日己丑授近
江國從五位上勳八等兵主神正五位下 廿一日庚寅內宴如
常賜祿各有差是日授從七位上紀朝臣宅子從五位下 廿五
日甲午地震 二月庚子朔 四日癸卯祈年并大原野祭如常
八日丁未釋奠如常直講從七位上葛井連宗之講左傳公卿
及文人賦詩 九日戊申春日祭如常 十一日庚戌圖書頭從
五位上橘朝臣岑範為神祇大副刑部少輔從五位下橘朝臣末
茂為中務少輔散位從五位下都努朝臣清貞為圖書頭肥前守
從五位下橘朝臣忠宗為治部少輔從五位上行中務少輔源朝
臣同為刑部大輔左京亮從五位下藤原朝臣大野為大藏少輔
從四位下行山城守紀朝臣今守為左京大夫山城守如故散位
外從五位下布瑠宿祢清貞為亮正五位下大藏大輔藤原朝臣
本雄為加賀守散位正五位下藤原朝臣春岡為越中守從五位

下行大學助御船宿祢佐世為補後權介筑前權守從五位下紀
朝臣本道為守 十四日癸丑祠園并韓神如常散位從五位下
藤原朝臣利基為內匠頭從五位下文室朝臣好雄為刑部少輔
正五位下行內匠頭在原朝臣善淵為大藏大輔散位外從五位
下朝原宿祢高道為因幡權介大監物從五位下伴宿祢益友為
肥前守從五位下行武藏介坂上大宿祢瀧守為右兵衛權佐
十六日乙卯出雲國出雲大原兩郡去年風水殞霜多被損傷詔
復課役一年參議正四位下行左大辨兼左近衛中將藤原朝臣
良繩奏云別墅一區在山城國葛野郡良繩奉為先皇造佛寫經
安置其中親母出家便亦居住請捨事為道場賜名真如院許之
十七日丙辰地震 廿日己未請六十僧於內殿三箇日間轉
讀大般若經 廿三日壬戌河內國志紀郡人外從五位下行木
工助兼右大臣家令志紀縣主貞成正六位上行鼓吹佐志紀縣

主福主散位大初位上志紀縣主福依等三人賜姓宿祢即改本
居隸左京職神八井耳命之後與多朝臣同祖也右京人正六位
上行主水令史中臣朝臣坂田麻呂賜姓大中臣朝臣與大中臣
同祖也 廿五日甲子地震死品有子內親王薨淳和太后奏請
不被任葬儀司詞旨懇切因而不任輟朝三日內親王者淳和太
上天皇之女也母贈皇后志高桓武天皇之女生一男三女焉
廿八日丁卯攝津國河邊郡人正六位上行內膳典膳高橋朝臣
藤野等改本居貫左京職 三月己巳朔右京人左大史正六位
上真神田朝臣全雄賜姓大神朝臣大三輪大田田根子命之後
也右京人中納言從三位藤原朝臣氏宗家令大初位上大藏伊
美吉廣勝賜姓宿祢後漢孝靈皇帝四代孫阿智使主後與坂上
大宿祢同祖也 二日庚午毀外從五位下大春日朝臣氏子告
身改授從五位下 三日辛未御齋如常 四日壬申遣木工頭

伊美吉
忌寸也
此坂上
醫家丹
波本姓
也

從五位上兼行左衛門權佐紀朝臣春枝從六位下守右衛門大尉藤原朝臣好行辨折河內攝津兩國相爭伎人堤之事備中國賀夜郡人左大史正六位上賀陽朝臣宗成從六位下備中權博士賀陽朝臣真宗等二人餘左京職 七日乙亥授正六位上在原朝臣業平從五位上 八日丙子太政官處分令左右京職朱雀路每坊門置兵士二人分番守護左右兵衛府行夜兵衛等每巡檢兵士直番 十一日己卯地震 十四日壬午河內國交野郡古荒田一町六段攝津國嶋下住吉兩郡古荒田三十五町九段奉充中宮職 十五日癸未左京職言戶令云凡戶皆五家相保一人為長以相檢察勿造非違然則結保之興為亂姦濫有司存之理必可通行而皇親之居街衢相接卿相家坊里猥雜若非蒙官符直施此制不教之漸輒無承引請親王及公卿職事三位以上以家司為保長無品親王以下六位別當為保長散位三位

以下五位以上以事業為保長然則皇憲通行隣伍相保姦猾永絕道橋自全太政官處分依請右京職亦准此 十六日甲申天東有聲如雷美作國久米郡始置主政一員 十九日丁亥雨雹從五位上行上總介伴宿祢龍男到任交替稱官物多欠禁固前司介從五位上和氣朝臣豐永訟寃太政官處分過其禁 廿日戊子詔五畿七道諸國責醫師博士解由先是從五位下行下野介伴宿祢河雄奏言年中輸貢調庸雜物色數非少而民弊人姦未進猥積實是綱丁盜犯使者懈緩之所致也今在任博士四人醫師三人皆非練道受業之輩空費棒料無益生徒請一准史生差充綱領若不請返抄責其解由令償欠負凡非業之輩皆責解由但只責身犯不關他急從之河內國河內郡大領正六位上河內連田村麻呂信濃國埴科郡大領外從七位上金利舍人正長小縣郡權少領外正八位下他田舍人藤雄等並授借外從五位

下 廿二日庚寅從五位下錦部淨刀自子賜姓河上朝臣 廿
五日癸巳延曆寺傳燈大法師位安慧傳燈大法師位常濟並為
內供奉十禪師 廿六日甲午詔畿內五國出舉官稻簡點民徭
歷代相沿百王不易之政也方今淳源已遠薄俗逾滋不欺之德
罕聞苟免之行流競遂乃貢賦逋懸公私闕乏返舉虛納何國不
然未納未進諸郡皆是雖頻下格制務加催督而日不如古弥以
過甚貪吏不免奪俸之苦弱人多失德士之心上下同嗟首尾難
救又每國司遷代分付受領見損所積十而三四往車雖折采軫
方隨如此不停終至虛竭皮盡毛亡非無素論是而不救孰與為
治安民上策誠果紕彈利國良圖豈期膠柱今須國內所有諸國
除非賜墾田其納租之法皆增於舊例京戶土人口分田舊例段
別一束五把今增加一束五把雜色田段別五把因即京戶咸免
徭分土人復徭二十日但土人例侵之內所不足者便以租稻充

於功食九厥年中雜用皆當以被稻與給但當非常異損之年應
輸地利懸欠則國司不費公廩徭丁仍舊駁役須隨損多少定用
增減令調移公用不致闕急亦夫例舉官稻者須得出舉量其要
否給之借貸且救民急且備國用唯被國田少租乏難支例用如
無出舉恐乖遠圖又燈分料稻者先代宿祈事緣功德雖云願民
何得停廢凡所以嫌出舉改者將以除吏民之苦假使者之十分
今行其一者論之物情豈為煩擾但使小吏目據不容奸濫耳夫
變常巧法古賢猶難自近及遠先訓不朽然則先下畿內限以三
年試張此制儻有利於時有扶於物即施之天下亦未晚矣 廿
八日丙申地震 夏四月己亥朔 天皇不御前殿於近仗下賜
飲侍臣賜祿各有差 二日庚子大雨河水流溢行路難通 四
日壬寅廣瀨龍田祭如常 五日癸卯請一百僧於大極殿轉讀
大般若經限三日訖 六日甲辰以傳燈法師位湛海傳燈滿位

詮暉並為內供奉十禪師 七日乙巳式部兵部兩省奏文武官
成選擬階簿 天皇不御前殿大臣奉勅令本省行之散位從五
位下安倍朝臣比高為武藏介從五位下行內膳典膳高橋朝臣
淨野為筑前權守從四位下行右近衛少將兼內藏頭藤原朝臣
常行為權中將內藏頭如故 八日丙午內殿灌佛如常 十日
戊申祠平野神 十一日巳酉祠梅宮神先是大和國言左京絕
戶七百十三烟將被削藉依百姓愁貞觀二年且免此四烟百姓
之愁猶未有弭至是免六百十二烟編戶如舊 十二日庚戌授
河內國正六位上栗栖神從五位下 十五日癸丑公卿就太政
官曹司廳授文武官成選位記宣制如常是日下詔曰朕聞自古
聖明之君以堯舜為稱首然猶諫鼓謗木設之於朝又俾太禹皋
陶盡其謨訓蓋以萬機之盛非廣詢難以興功四海之尊非下問
無以成化也朕以童州詞守鴻基器謝徇齊業懃迪哲實賴賢輔

之保化將以拱已而仰成然運接百代之叔末時遇萬邦之凋殘
即位以還五年于茲徒聞府帑空竭經用不支貢賦逋懸吏人嗟
毒未得所以之要術昔神農氏世衰天下倒懸黃帝代以脩德即
隆垂衣之化殷暴辛政乱百姓塗炭周興成康之時至刑厝而不
用是以古不常淳今不常薄唯在君臣善惡政教得失而已若能
群臣大小勦力傾心務求政美匡拂朝家訓導黎庶則國富刑清
時和歲阜醜變為撲偽反為真即東戶季子之代遂何遠之有矣
宜參議已上各論時政之是非詳世俗之得失傷化害人不便於
時者節用謹度當利於國者並盡昌言以沃朕心勿為華飭勿有
隱諱以勘解由次官從五位下兼行筆博士家原宿祢氏主為美
作權介餘官如故 廿日戊午勅參議正四位下行彈正大弼正
躬王男散位從五位下住世王元位繼世王基世王家世王益世
王是世王經世王尚世王行世王故從四位上正行王男高蹈王

高居王故從四位下雄風王男定相王等十五人賜姓平朝臣先
是正躬王抗表曰正躬聲花無箕德聖罕稱幸荷不時之崇恩明
叅非據之重任分暉銑樹託孤銀潢猥負丘山之恩慙無塵髮之
功况亦年髮云暮孫息稍衆名編宗親之藉身耗府帑之資臣雖
才質空虚猶冀破家為國思夫公費內疚私心因欲除諸子之王
名與諸臣同齒列削宗室之繁免省歲時之祿賞雖至女子蔭留
一身祿不及子於其隆退式當悲吟竊見宗門賜姓者多臣意所
欲在平朝臣請除非女子所有男兒皆賜平朝臣姓亦復諸姪希
望者同預於此矣顧骨肉於天然深愛雖存添塵消於國用篤誠
傾企至是許之 廿二日庚申諸衛警固緣賀茂祭也 廿三日
辛酉賀茂祭如常 廿四日壬戌諸衛解嚴授皇太后宮无位木
枯神從五位下 廿六日甲子授河内國无位田坐神從五位下
廿七日乙丑 天皇御武德殿閱覽左右馬寮御馬如常儀

雄氏錄
吹田作
阿波

五月戊辰朔遠江國正六位上曾許乃御立神賀久留神並授從
五位下 四日辛未先是大和國言右京絕戶百七十九烟將被
除帳至是並免之以百姓愁也 五日壬申端午之節 天皇御
武德殿觀諸衛騎射親王以下五位以上貢競走馬如常 六日
癸酉亦御同殿觀馬藝雜弄如昨儀 十日丁丑右京人左辨官
史生從六位下於公浦雄弟管雄主雄等三人賜姓滋世宿祢常
陸國久慈郡人九子部妹人茨城郡嵯因吉美候酒田麻呂等並
進位三階以孝於父母也 十三日庚辰授因幡國從五位下宇
倍神正五位上美濃國厚見郡人外從五位下行助教六人部永
貞讚岐少目從七位上六人部愛成散位從七位下六人部行直
等三人賜姓善淵朝臣天孫火明命後少神積命之裔孫與伊豫
部連次田連等同祖也讚岐國刈田郡人直講從六位上刈田首
安雄散位從七位上刈田首氏雄阿波博士從八位上刈田首今

雄等三人改本居隸左京職 十四日辛巳式部省奏諸國詮擬
 郡司擬文 天皇不御前殿大臣奉勅於近仗下群定覆奏焉
 十六日癸未地震是日夜東京左衛門衛士居區失火 十七日
 甲申詔以河內國從五位下田坐神列於官社 廿日丁亥公卿
 就太政官曹司廳任諸國詮擬郡司近者海賊往往成群殺害往
 還之諸人掠奪公私之雜物備前國言進官米八十斛載於一船
 差綱丁進上而遭海賊悉被侵奪所殺百姓十一人是日下知播
 磨備前備中備後安藝周防長門紀伊淡路阿波讚岐伊豫土佐
 等國差發人夫追捕海賊 廿二日巳丑左京人正六位上坂井
 王賜姓清春真人礪城親王五代之孫也 廿三日庚寅美濃國
 土岐惠奈兩郡百姓弊亡特其給復一年 廿七日甲午淫霖未
 止是日雷電大雨庭潦奔溢詔故從四位下藤原朝臣雄敏田地
 在河內國澁川郡以充崇親院 六月戊戌朔 四日辛丑武藏

國正六位上金佐奈神列於官社 五日壬寅太政官處分諸國
 校田帳自今以後准擬大帳不許損減若有所損為例返帳但非
 常損者令別錄言上以中務少輔從五位下橘朝臣末茂為甲斐
 守從五位下守大和權守在原朝臣安貞為大宰權少貳 十日
 丁未大祓於建禮門前以宮內省有馬死穢 十一日戊申晨月
 次祭夜神今食祭 天皇不御神嘉殿親王公卿向神祇官奉祭
 授伊勢太神宮祢宜外從五位下神主繼長外從五位上 十四
 日辛亥平城舊京中勅旨田三十町返賜无品高岳親王及正五
 位上紀朝臣種子正五位下大原真人全子无位藤原朝臣乙名
 子并賜興福寺宿院各有數 十五日壬子山城國正六位上天
 穗日命神陸奥國鎮守府正六位上石手堰神並預官社播磨國
 揖保郡人雅樂寮笛生無位伊福貞復本姓五百木部連 十六
 日癸丑地震 十八日乙卯授陸奥國正五位下駒形神從四位

下山城國天穗日命神從五位下自去五月霖雨京邑飢饉領遣使者賑給之 廿日丁卯大祓如常 秋七月戊辰朔 二日巳巳常陸國河內信太鹿嶋那賀多珂五箇郡頻年水旱疾疫給復二年 五日壬申 天皇御前殿觀童相撲其儀一如去年 六日癸酉亦御前殿觀童相撲 十日丁丑安藝國高宮郡大領外正八位下三使部直弟繼少領外從八位上三使部直勝雄等十人復本姓仲縣國造 十二日巳卯 天皇御前殿觀相撲奏樂如去年 十三日庚辰亦御前殿覽相撲 十五日壬午下知五畿七道諸國進會赦帳程准不與解由狀之期 十六日癸未相撲節改六月十五日及七月月上旬之內 十七日甲申於中宮喚伶人舞童子等奏音樂如童相撲日之儀 廿一日戊子地震授武藏國正五位下勳七等秩父神正五位上 廿三日庚寅大唐商人李延孝等四十三人來勅太宰府安置供給 廿七日甲

午地震安藝郡始置主政一員 廿八日乙未左京人前越後介外從五位下坂上伊美吉能文大學少允從六位上坂上伊美吉斯文等九人賜姓坂上宿祢後漢孝靈皇帝四代孫阿智使主之象與坂上大宿祢同祖也左京人從五位下行叁河介壹志宿祢吉野賜姓大春日朝臣天足茂國押人命之後也右京人中官少屬正八位上道祖史豐富賜姓惟道宿祢阿智使主之黨類自百濟國來歸也左京人造兵司少令史正六位上飛鳥戶造祢道賜姓百濟宿祢百濟國混伎之後也伊勢國安濃郡人右辨官史生正七位上凡工仲業賜姓安濃宿祢神魂命之後也河內國安宿郡人外從五位下行主計助飛鳥戶造豐宗改本居隸左京職撰津國西成郡人陰陽允阿刀宿祢貞範貫附左京職飛驒國菟城郡人太政大臣家扶日奉部若善貫附左京職河內國安宿郡人皇太后宮少屬正八位上百濟宿祢有世貫附左京職近江國犬

上郡人左馬大屬正六位上川上舍人名雄貫附右京職因幡國
臣濃郡人中宮大屬正六位上物部門起貫附右京職八月丁
酉朔日有蝕之五日辛丑延六十僧於內殿限三箇日轉讀大
般若經六日壬寅授武藏國正六位上金佐奈神從五位下
九日乙巳但馬國言慶雲見十一日丁未釋奠如常正六位上
行直講刈田首安雄講御注孝經文章生等賦詩如常是日於太
政官曹司廳定僚屬之考公卿相分行事十二日戊申明經博
士等奉奏御在所論議如常十五日辛亥和泉郡人白丁川枯
首吉守叙位一階獎力田也是日詔令本元與寺法華供得業僧
預維摩會暨義十七日癸丑以散位從五位下藤原朝臣春江
為中務少輔從五位下內藏朝臣高守為備中介高守貞觀二年
任備中介高守遭母憂去職今詔赴之是日從五位下守大判事
兼行明法博士讚岐朝臣永直卒永直者右京人也本姓讚岐公

右字以
續日本
後紀第
五補

讚岐寒川郡人幼齒大學好讀律令性甚聰明一聽暗誦弘仁六
年補明法得業生兼但馬權博士數年之後奉試及第天長七年
春為明法博士同年夏為右少史明法博士如故尋轉左少史八
年兼勘解由判官兼和元年正月授外從五位下大判事明法博
士如故是年兼勘解由次官三年賜姓朝臣改本居隸右京職俄
而兼出雲權介遷兼阿波權掾十三年法隆寺僧善愷向官告檀
越少納言登美真人直名有犯之狀右少辨伴宿祢善男與參議
右大辨正躬王等執論差踏善男辨口便佞蒙帝寵遇遂誣正躬
王等許容善愷違法之訴免其官爵先令明法博士等斷正躬等
之罪永直畏憚權勢不肯正言然執律私曲相須之義大忤善男
之旨嘉祥元年刑部少輔和氣朝臣齊之死大不敬罪當絞詔減
死罪一等流伊豆國永直坐齊之事配流佐渡國二年二月仁明
天皇晏駕文德天皇踐祚明年勅特從恩免徵復本位外從五

與源敏
久當作
藤原本
今人當
作伴吉
田宗按
續日本
後紀嘉
祥二年
三月壬
子外從
五位下
伴吉田
連宗尚

位下齊衡二年為明法博士三年老乞骸骨再三陳請然後許之
然猶不停明法博士歸林於家天安二年 文德天皇勅曰明法
博士是律令之宗師也惜其齒在耆考不傳正說宜令好事諸生
就其里第受讀善說永直關則私弟授律令於生徒式部省就門
庭行講竟之禮法家榮之以壽終焉時年八十永直自為官吏爰
及晚節歷任勘解由次官使判決之道能究其旨為彼使司者今
猶為准的焉嘗大判事與源敏久明法博士額田今人等抄出刑
法難義數十事欲遣問大唐永直聞之自請詳解其義累年凝滯
一時冰釋遣唐之問因斯止矣長子時人傳父業改姓和氣朝臣
少女為光孝天皇更衣生源皇子舊鑿 九月丁卯朔 三日已
己 天皇潔齋奉燈如常 八日甲戌授因幡國正六位上驚岑
神從五位下 九日乙亥重陽之節 天皇御前殿賜宴群臣文
人賦詩奏樂賜祿如常 十一日丁丑遣使伊勢太神宮奉幣如

常 十五日辛巳地震 十七日癸未是日京師人家并泉皆悉
枯竭所有水之處人相借汲用是日勅開神泉苑西北門聽諸人
汲水 十八日甲申授伊豫國從五位上伊豫村神從四位下
廿一日丁亥地震 廿三日己丑阿波國板野郡人從五位下行
明法博士栗丸直躰麻呂中官舍人少初位下栗丸直貞宗等同
族男女十二人賜姓栗宿祢 廿四日庚寅地震 廿七日癸巳
美作國獻白麻 廿九日乙未晦地震 冬十月丙申朔 天皇
御前殿賜飲侍臣左右近衛府遊奏音樂賜綿各有差 二日丁
酉太政官處分免大和國言將除毒右京絕戶百姓三百烟 七
日壬寅正三位行中納言兼民部卿皇太后宮大夫伴宿祢善男
奏言生於三界轉于六道莫不荷負四恩之德何謂四恩一父母
恩二衆生恩三國王恩四三寶恩四生舍靈非恩無育夫報恩者
早登菩提之臺背德者常沒奈落之獄臣宿緣多幸生遇聖日身

陶子善之化心疎報恩之誠每念建仁祠之舍運恐違國家之制
方今三使數催屠羊日迫此生不報後生何為悲宝山之徒歸痛
刀林之永割請捨山城國紀伊郡深草鄉別墅為道場賜額報恩
然則名之與實自將相副上答聖主覆載之恩下酬法界領復之
德詔許之 九日甲辰地震越中國從四位下鷓坂神授從四位
上 十四日己酉以外從五位下行明法博士粟宿祢鸕麻呂為
大判事明法博士如故 廿一日丙辰右方諸衛府及馬寮獻物
即是五月六日競走馬之輸物也奏音樂并賜祿如舊儀 廿二
日丁巳延屈六十僧於內殿限以三日轉讀大般若經御修法限
七日訖 廿八日癸亥地震 十一月乙丑朔中務省率陰陽寮
獻明年御曆御前殿付內侍司奏詔以出羽國正四位上勳五等
大物忌神預之官社 三日丁卯地大震動 八日壬申平野春
日祭如常 九日癸酉梅宮祭如常 十一日乙亥遣散位從五

位下末良王向伊勢太神宮奉幣詔以河內國從五位下栗栖神
預之官社撰津國正六位上田邊東神田邊西神並授從五位下
十三日丁丑祠園并韓神如常 十四日戊寅鎮魂祭如常
十五日己卯新嘗祭 天皇不御神嘉殿勅親王公卿向神祇官
奉祭 十六日庚辰 天皇御前殿賜宴群臣奏大歌五節舞賜
祿如常 廿日甲申先是少主鈴從八位上美和真人清江言鼠
嚙內印盤褥至是神祇官卜云觸穢之人供神事仍成崇由是大
祓於建禮門前 廿四日戊子大原野祭如常 廿五日己丑先
是從五位上行但馬權守豐井王割公廨造幡十八旒各長一丈
五尺施入國分寺請官裁云永附官帳以資御願太政官處分依
請焉授山城國從五位上鴨川合座小祖宅神正五位下 十二
月乙未朔 七日辛丑相摸國大住郡荒廢田三十二町奉充冷
然院典藥寮始置寮掌一員 十一日乙巳月次神今食祭 天

式祖作社

皇不御神嘉殿親王公卿向神祇宮奉祭伊勢太神宮祢宜外從五位上神主繼長加外正五位下授度會宮祢宜外正六位上神主河繼外從五位下 十六日庚戌地震 廿日甲寅於內殿修佛名懺悔如常以散位從五位下平朝臣住世為正親正從五位下滋野朝臣善根為美濃守從五位上滋野朝臣善蔭為丹波守善根今年為美濃守善蔭貞觀三年五月朔丹波守兄弟並以母憂去職今詔以本官赴之 廿二日丙辰因幡國正五位上宇倍神近江國正五位上小野神並授從四位下 廿五日己未大藏大輔正五位下在原朝臣善淵奏言善淵自在童齡之年平城天皇別賜恩隱荷戴之德猶欲灰身自宮車晏駕常念結精廬於陵次以作念佛之地聊且所得白業即便奉資御靈丘山之息以補萬一假使世累未免者以得意一僧代身令往持至歸老之時將果出世之願而年鬢漸衰心事未合望山陵而泣血願替纏而胡

顏竊見禪師親王昔構堂舍之地今來荒廢基趾猶存曰願不勞犯土之功力便建一舍於此中方今薰風遠扇真俗霑仁九有善願皆蒙成濟儻枉大恩蒙賜哀許則獻微消於存沒為知恩之一端營深念於現當作斷惑之勝業即瞑目之至願土灰之極榮也詔許之善淵平城太上天皇孫高丘親王之男也 廿六日庚申雷大雨勅公卿分遣諸山陵墓奉獻荷前幣如常 廿七日辛酉地震右大臣正二位兼行左近衛大將藤原朝臣良相上表曰伏奉今年四月十二日詔書曰參議已上各論時政之是非詳世俗之得失傷化害人不便於時者節用謹度當利於國者並盡昌言以沃朕心勿為華飾勿有隱諱伏惟皇帝陛下德高雲霞明並日月猶開廣詢之路遂降不諱之論臣身非岳神位豈袞獻替之誠徒積塵髮之効臣申仍以中外之國小大之政所以治而不亂者唯以任得其人也脫非其人則雖有峻法嚴令然是為亂之階

詩大雅
書卷
泉陶錄

終非為治之備矣故詩曰人之云亡邦國殄瘁書曰都在知人知
人則哲能官人臣之不敏深信斯言從政以來猶自留意而趙魏
滕薛之任易迷絳侯番夫之才難辨即知人心險於山川惟帝其
難將如之何抑其明經秀才得試及第者尤是國家之才望宜明
古今王事之體又一切智法教無量凡諸僧綱及曾經八省維摩
講師皆應通熟世諦之利病又右大辨南淵朝臣年名身為進士
職經內外稍通治體既居樞要山城守紀朝臣今守所歷之州風
聲必暢論之良吏自為先鳴伊豫守豐前王才學早彰資歷淹久
無他異跡足謂老成大宰大貳藤原朝臣冬緒聲名粗達器識漸
優吏幹之稱仍有可愛大和守弘宗王頗有治名多宰州縣雖自
賢之費或罹法網而談諸經國非無其才然則令件等人同上意
見既云諮及芻蕘何況於彼有識臣謬荷重責無他息肩從獻管
窺耻塵旒聽 廿九日癸亥晦大被大儺如常

三代實錄卷第六終

日本三代實錄卷第七 起貞觀五年正月盡十二月

左大臣從二位兼行左近衛大將藤原朝臣時平等奉

勅撰

五年春正月甲子朔 天皇不受歲賀兩也御前殿賜宴侍臣賜
被如常七耀曆藏冰樣腹赤魚等所司緩急不紊於庭附內侍奏
三日丙寅大納言正三位兼行右近衛大將源朝臣定薨贈從
二位遣從四位下行伊豫守豐前王散位從五位下田口朝臣統
範等於柩前宣制定者嵯峨太上天皇之子也母百濟王氏其名
曰慶命 天皇納之特蒙優寵動有禮則甚見尊異宮闈之權可
謂無比官為尚侍爵至二位及薨贈一位始太上天皇遷御嵯峨
院之時為禁別館令為居所號曰小院太上天皇所居為大院尚
侍所居為其次故也權勢之隆至如此焉定生而岐嶷太上天皇
在鍾愛弘仁五年特蒙明詔諸皇子未為親王者皆賜姓源朝臣
定是源氏之第六郎也其源之命氏始於此矣太上天皇以定奉

淳和天皇為子淳和天皇受而愛之過所生之子更賜寵姬永原氏令為之母故世稱定有二父二母焉原姬所謂亭子女御也天長四年二月廿八日淳和天皇奉書於嵯峨太上天皇請以定為親王曰被賜以來稍淹年序偏恤鍾愛未闕才學所恨荆山之璞遂混瓦礫皇家之窳從淪昏庶眷言猶子情深矜愍謹檢弘仁五季五月八日詔旨除親王之號賜朝臣之姓如可闕者朕殊裁下特望齒列親王榮曜貽孫方寸之思伏聽天裁者嵯峨太上天皇遂不聽焉九年正月擢授從三位于時年十六是年三月為美作守十年八月拜奏議十一年十一月為治部卿承和元年二月遷中務卿美作守如故五年為播磨守中務卿如故七年五月淳和太上天皇崩定上表乞退所職至于八月依請解奏議猶帶中務卿但別勅賜食封百戶九年嵯峨太上天皇崩定丁憂解職九詔起之以本官十四年正月拜奏議十五年春為尾張守中務卿如

故嘉祥二年正月拜中納言是月母尚侍百濟王氏薨定遭喪去職三月詔奪情起之仁壽三年八月為左兵衛督中納言如故天安元年夏抗疏解左兵衛督二年兼右近衛大將貞觀元年十二月拜大納言右近衛大將如故定養長於深宮之內未嘗知世俗之難居家之事無所經問往素温雅愛好音樂家庭常置鼓鐘退公之後必令舉而觀之時薨特年三十九四日丁卯所司獻剛卯杖內侍奏五日戊辰從四位下行內藏頭藤原朝臣與邦卒與邦者正三位行中納言葛野麻呂孫而奏議從三位行左大辨常嗣之子也承和年中為內舍人久而遷右衛門少尉俄轉大尉尋兼近江大掾遷兼備前掾齊衡二年授從五位下為筑前介二月留拜圖書頭三月遷任筑前權守不之任三年遷左兵衛佐天安之初遷拜右衛門佐二年正月兼筑前守閏二月為春宮大進本官如故三月轉亮八月母喪解官九月拜內藏頭未幾兼左衛

門佐十一日皇太子即帝位是日加正五位下貞觀四年授從四位下卒時年三十三 六日巳巳雨 七日庚午 天皇御前殿觀青馬賜宴群臣奏樂賜祿如常授從四位下貞內王利基王等從四位上無位元長王從四位下散位從五位下內宗王從五位上大山王從五位下左京大夫從四位下紀朝臣今守右近衛中將源朝臣興等並從四位上正五位下守神祇伯中臣朝臣逸志從四位下左馬頭從五位上兼行但馬介清原真人秋雄民部大輔藤原朝臣管雄左中辨兼中宮亮藤原朝臣家宗等並正五位下散位從五位下飯高朝臣永雄讚岐朝臣永雄讚岐朝臣高作平朝臣有世下野介伴宿祢河男散位久賀朝臣三常源朝臣有等並從五位上大炊頭外從五位下九子連家繼散位廣橋宿祢貞雄中宮少進長繼朝臣三助無位源朝臣湛左近衛將監正六位上橋朝臣弟房中宮少進藤原朝臣是行周防掾橋朝臣岑守

大藏少丞藤原朝臣行雄紀朝臣吉繼散位丹墀真人繩繼式部大丞藤原朝臣元利萬侶神祇少副大中臣朝臣豐雄大外記嶋田朝臣善長大內記巨勢朝臣文雄散位大神朝臣高岑皇太后宮大屬御春朝臣內雄等並從五位下直講從七位上外田首安雄施藥院使正六位上下毛野朝臣殿永左大史大神朝臣全雄主稅助山邊公真雄左京少進御輔朝臣直野侍醫家原宿祢善宗宮主卜部是雄等並外從五位下 八日辛未始講最勝王經於大極殿以興福寺僧傳燈法師位僧與照為講師授左衛門大尉正六位上藤原朝臣宗枝從五位下從五位上橋朝臣氏子無位源朝臣年姬統朝臣尚子等並從四位上從五位上田口朝臣館子從五位下藤原朝臣並正五位下無位藤原朝臣好從五位上良岑朝臣寬子藤原朝臣普子賀茂朝臣貞子清科朝臣普子等并從五位下小槻山公廣宅角山公成子並外從五位下 十